

KANGI U LUYŪNGU

LWĀKO LWISAKUPÒKA

I KIPATA KYA NDUGU GWĀKE



Une ne, bo bwīla, isala pa ibili ngābile. U ntīmi āsumwike mmwanya, alinkuti, “Lilino, une ngulōnda ukuntwāla kwa umwe mwēsa u nkābile Tāta. Branham.” Mulimōsa, une ndi ni kilūndiko kya fīndu ifyakubōmba popāpo une—une itolo nguya nkābile apa na apo. Lōli akabalilo aka une ngābagile ukikutūla ikyēne. Ikyēne kyāli panongwa ya kabalilo-kāke aka kābōmbile ikyēne akabalilo aka. Une mbagile ukulēyēla ikyēne pa kabalilo-kāke nukubopa inōngwa. Ndinkufimbilisigwa ukukibika ikyene nkyēni, Nkundwe Rose, itolo pakayabo kanini. Ulubunju ulununu, Kalumbu Rose. Kangi nsangalwike ukuya na ulubunju ulu apa, Nkundwe Rose na Kalumbu Rose, kangi Nkundwe Sharrit, kangi abakundwe bingi, umwe bandu banunu panja pala.

² Une ngupilika ikyo, umunduyumo ikumbula une, “Akabalilo kako ukwene kukungw’ifula mu Phoenix, aligwesa itolo ikusyala mu kitala,” lo lwānduko nki, umwe mumenye. Limō mwa masiku aga une nguyaga pakuya ni kyākulya ikyaitolo. Abene bikumbula une ugwe ubagile ukuya ni kyākulya ikisitakuhomba ilisiku lililyosa ilisuba litikubala. Une nguyaga pakukētēsa ikyēne umwīsyūgu, ukubatēndēka abēne ukuhōmba kuli kila.

³ Une nayobaga ikilo kya mmayolo, panja ku kipanga kimo. Une naloliloli ndikukumbukila ingamu ya ikyene. Kangi polelo uswe twali na kabalilo akanunu, nkilo, panja pa lukomano. Kangi ukukilania kwa Nkundwe Outlaw, kangi ukufyuka ku Tempe, kangi uswe itolo tukuya na kabalilo kanunu mu bulilanisi ubu. Kangi une ngugūlila ukwakwagana na bōsa balūmbilili bakundwe aba ku lukomano-lukulumba, popāpo uswe twisakuyaga na kabalilo itolo mu luko lwa kwāngāla ukusyūngutila, Nkundwe Rose, nu kuyoba yumo ku nñine. Kangi ikyo kyo iki une nīsīle, ko kuya nu bulilanisi. Kangi uswe twāli . . . tukukēta pa mbātiko syītu nu kwāga amabuyo mīngi fīyo. Lōli une nīnogonāga ulu lwāli lusako ulwapamwanya-ukukīnda, panongwa yakuti une nafikāga ku—ku kwāgāna na bala abakīndāne, ukufika kukubabone abēne nukukilania mula.

⁴ Utubalilo tumo mu kulumbilila, undumbilili aligwesa atikupilikisigwa, injila yimo pamo iyingi. Utubalilo twingi,

abandu bikwega ikindukimo iki ugwe kuyoba kangu itolo mu luko lumu. . . Ikyène kikwiyégamisiya ku bwa ku bène, popāpo abène bisakuyoba ikyène kili njila yila. Kangu polelo yumo ugwakukōnga ikukupilikisiya ikyène, ikyène kyo kikwiyégamisiya akayabo kanini ukongelelāpo. Ikīndu kyākwānda umwe mumenye, ikyène kyo kubutali panja pa lubātiko.

⁵ Popāpo—popāpo uswe, utubalilo twīngi, mukulūmbilila, une nduko lwakuti ngwīlūndika pāsi pa fipanga-fipāgūke ni fipāngānio ni fīndu. Utubalilo tumo, abāndu bikuyoba polelo, “Nkundwe Branham ikulwana ni kipāngānio.” Ikyo kyo kisobi. Une ndikulwana ni kipāngānio nakimo. Lōli ikyène kyo utubalilo twīngi fiyo ukuti abāndu itolo bikusūbila pa kipāngānio kila, umwe muketile, kangu bikubīka isubilo syābo syōsa pa ikyo mbuyo bwa pa Kristi.

⁶ Abene bikulonda ukukéta balinga abakipanga abene babāgīle ukutwāla ku kibugutila kila. Lilino, ikyo kyo kinunu fiyo. Une—une. . . Ikyo kyo kyosa kinunu. Une ngwinogona ukuti kibugutila kilikyosa kikufimbilisigwa ukwēga u mbakasya aligwesa ikylene kibagīle ukwēga. Ikyo kyo kinunu fiyo. Lōli akabalilo kāko ugwe kwīsa ku kwēga abasitakupīndūka nu kubīka fīngipo pa ikyo ukukīnda ugwe kubōmbela pa busisimikisiyo bwa Mbepo Mwīkemo, bo yu Nkundwe Rose āyobāga apa akabalilo aka kakindilepo, ni findu, polelo ugwe kwēga—ugwe kubega abandu bikwinogona, “Uswe twe benekaya ku *iki*, kangu uswe tukubuka ku *kila*.” Ukufuma pa fyosa, uswe twesa tuli ba Kyala. Muketile?

⁷ Lilino, linga une numbwene u nnyambala ikubuka ukusuluka i kisōko mu bwato. . . Kangu une ngwitugasya kifuki i kisoko mu Indiana, i Kisōko Ohio, kangu une ndi palapala kifuki kigwa-misi. Ubwēne bo buyo ububibi fiyo, fila figwa-mīsi, ’nongwa yakuti ikyène kisakukutikania ugwe mōsa lululu lilino. Linga ugwe kukilaniamo siku pala pa kigwe-mīsi, bukayapo nu bwāto nabumo bubagīle ukukilania ikyène, panongwa yakuti ikyène kyo lūlo, kifuki amafiti malongo-mana-pamo-malongo-mahano ukutalula pāsi ukugwa, kangu polelo ukutikimbula ukukulumba kukwīsa mmwanya kūsi, iki ikyène kikutika palapala pa lyālābwe, ilyālābwe-lya-lwālo pala. Kangu une ngusakikisiya i—i—i fitili, ifitili ifyēlu, fikōnēka pāsi pa kigwa-misi ku mafiti-malongo-mana mbufyūke, muketile, kuko ikylene kikutika pāsi, kikipululuka mmwanya kangu. Kangu polelo itolo kikubūka mulamula ukutikīmbūla bo ulo, kangu kikubūka pāsi mu luko ulunywāmu iyi yili kifuki malongo-ntāndatu pamo amafiti malongo-mahano-na-mabili. Kangu nkati mula yo kitubwi-ikipuguse iki kikusyūngutila ikyène ukusyūngutila injila *iyi*, kangu kikutwāla ikyène pānja kangu kikubūka pāsi ukukīnda mbukīndilo. Yikayapo itolo injila nayimo iya kuyamo-mūmi siku, umwe muketile.

⁸ U nnyāmbala ābūkīle ukutelemukilamo akabalilo kamo aka kakīndilepo ni kijāsi kyābūmi afwēle. Abēne itolo bākētīle ikindu iki akabalilo kāko umwēne āgwīle, bo *ulo*. [Nkundwe Branham ikukuba ulobe lwake—Nsimbi.] Kōpe ni kijāsi kyabūmi kila, ubukwābe ubutilisye bula itolo bulinkumwēgela umwēne kulakula kūsī. Kangi nasiku nālōli ukummwāgāmo umwēne. Nasiku ukumanya iki kyālisile ukuya ikya umwēne. Umwēne ātulikīgwe pa mābwe pamo amalugēnge pāsi nkati mula, lumo i mailo pamo mabili ukusyūngutīla, bo *ulo*, kangi ni njila nayimo iya kuyīla mūmi.

⁹ Kangi linga une ngumbona umunduyumo ikusulukila nkisoko nkabwāto akaiyolo akanini, itugesye pala ikubala, ukukīndilīla, kangi une ngubūka kukulāta ku mwēne, “Sōkamo mu bwāto bula. U bwāto bula butisakubagila ukutalula mmayiga gala.” Lilino, ikyēne kikaya une ndinako kalikōsa akākulwana nu mūndu yula, pōpe linga une ngumbilusya umwēne mōsa nukuyoba naloliloli kikafu ku mwēne. Ikyēne kikaya une ndinako kalikōsa akakulwana nu mwēne. Une nunganī7le u nnyāmbala yula, lōli une mmēnye umwēne ikuyaga pakugwa lōsa. Iyo yo nongwa une ngukōlela ku mwēne. Panongwa yakuti umwēne akaya... Ikyēne kyo panongwa yakuti une nunganile umwēne, yo—yo nongwa une nguywēga. Linga une ngapākisyāga, une āngālī nguyoba, “Mulimōsa, ndeke apyūtīgwege,” ukukīndilīla nkyēni, muketile, linga une ngapākisyāga kuli umwēne.

¹⁰ Lōli i nōngwa une nguyoba ifīndu ifyo yo nongwa yakuti une ne gwakwīyūla isya Kipānga. Une—une ne gwākwyūla isya Kipānga kya Kyala. Kangi une—une nalōli nkibēngile ukukēta Ikyēne itolo kikwīsa ukuya mmīnogono-gakipāngānio. Kangi une mmenye ukuti ubwendelo, iyo yo njila iyi ikipanga kilikyosa kibukile ku mabwe, kulakula bo ikyo, kulakula pāsi ukukīndilīla ubwēndelo bwakipāngānio bula.

¹¹ Inogona itolo isya luyīgo nkabalilo ka baLuteri, kēta kūko ikyēne kyābūkīle. Kangi akabalilo kako ikyene kikukomamo siku ikyo, ikyene kikufyukamo siku kangi. AbaLuteri bakālīsīlēmō kangi mmay. Kēta abaMethodisti ba Wesley, nasiku ukugomokelamo kāngi. Keta Pilgrim Holiness, Banazarene, bōsa abasyāle ba abene, abaBaptisti, abaPresbeteri. Abene bali nu lusanio, kangi polelo unnyambala yumo ikufyuka mmwanya na maka ga Kyala pa mwene, umwene ikwanda ukwenda mwa Mbepo. Polelo akabalilo kako unnyambala yula akindile, polelo abene balinkwitugasya mu kipāngānio ukufuma ku kila.

¹² Ngati i Moody Bible Institute, ubuyo ubununu, lōli ubwēne butisakuyamo siku ngati Moody ālinakyo ikyēne. Muketile? Kangi i findu ifi Moody ālīmīlēpo, ifyene fili amamailosi elifu-elifu ukufuma ku kyene, polelo mwaketa lelo umwe. Kangi lilino ikyēne kyo kyōsa kyamahala, kūko Moody āli nakyo ikyēne pa

Mbepo, umwe muketile. Kangi polelo ugwe—ugwe kusyagania ukuti, mu findu fila.

¹³ Lilino, akabalilo kâko une nâlyândîle, kangi ukwîsa apa ku Phoenix, ifyînja ifi fikindîle, mu bugûte bwa kiPentekosti, nâli nu lusako ulwakwânda i kipângânio nîmwene. A bakûndwe ba Latter Rain balinkwîsa kwa une, balinkuti, “Iki kyo kyêne. Unko uswe twânde. Fiki, uswe twisa kuya—kuya banywâmu ukukînda bôsa aba basyêle ba abêne.”

¹⁴ Une ndinkuti, “Kisa! Ikyo kyo kikaya ikyêne mma. Ikyo kyo kikaya—ikyo kyo kikaya kindu nakimo, bakundwe. Ugwe gwe—ugwe guli amamailosi elifu-elifu ukufuma pa—ukufuma pa nsebwe. Kyala atisakusakamo siku ikyene.” Bala isyâmbukûlu syâko. Bala i Bângèli. Patisakuyamo siki ikîngi ikipângânio kikusôka ukufuma ku kyêne, iki kîkwîsa ukufuma ku iki. Uko ko kutalusya. Iki kisakupângânio nu kubûka mu. . . Ikyêne kyo kili mbwitûgalilo bwa Laodikiya lilino. Lôli une nisakukubûla ugwe, nkûndwe, fikayapo kangi mma ifipângânio ifisayigwa-na-Kyala ukufyûka mmwanya. Patisakuyapo nakamo aka iki. Uswe tuli ku Kwisa kwa Ntwa. Muketile? Kangi Kyala isakwêgâga abasyale ukufuma ku ubwêndelo bwa bwîbûngânie, bûbo bikukîndilîla lilino, panongwa ya Nsîngilîgwa, lôli patisa kuyamo siku nakimo ukupângânio, mwambepo, kangi mma. Muketile? Ikyêne kimalîke.

¹⁵ Akabalilo kâko une ngukêta abakundwe bângu, bakundwe abapala, ukwigemekésya injila yila, polelo une itolo ngônaga ikyêne nkati kyosa iki une ndinakyo. Kangi utubalilo tumo abakundwe bikuyoba, “Ena, Nkundwe Branham ikulwana na uswe. Uswe tuli. . .” Ikyo kyo kisobi. Mwe! Ikyo kyo—ikyo kyo kîndu kyakubutali fiyo ku linogono lyângu, kyo kuyag kulwana na aligwesa. Une ndi—une ndi kwa umwe. Une ne nkundwe gwinu, muketile, kangi ngugela mbununu bwangu bosa. Kangi iyo yo nongwa une ngilûngîsyêmo siku i kipângânio kimokyêne, ukuti une nâbagile ukwîma pakati nukuyôba, “Nkundwe, komma. Iyo yikaya njila.”

¹⁶ Abene bikuyoba, “Uswe twe ba Assemblies.” Ikyo kyo kinunu. I Assemblies of God yifumile pakuya lusayo ulwapamwanya kwa une. “Uswe twe ba Foursquare.” Ena, keta lusayonki ulu abene baali kwa une. “Uswe yo Ngamu ya Yeso.” Keta lo lusayo luki ulu abene baali kwa une. “Uswe twe *bala*, a *bangi*.” Kilikyosa, abene bo sayo ndupu. Abene bo—abene bo bandu ba Kyala. Muketile? Kangi a bandu ba Kyala bali mu fyosa fya ikyene.

¹⁷ Kangi akabalilo kâko uswe tukufika pakusalana twîbène, tukuyoba, “Uswe tuli itolo kinunupo paninipo ukukinda i Kipanga kya Kyala,” umwe muketile, pamo, “Uswe tuli panini kanunupo ukukinda i Foursquare pamo i Ngamu ya Yeso,” pamo ikindukimo bo ikyo. Akabalilo kako uswe tuli itolo. . .

Uswe tubagile ukukindana panini mu fundo. Uswe twesa twābukaga ukulya ifyakulya umwisyugu, uswe tubagile ukwega ikisyesyeye ikikindane, loli uswe tukulya ikisyesyeye itolo kilakila, umwe muketile. Iyo yo fundo. Popāpo i fūndo ya ikyēne, yo, linga—linga uswe tubagile itolo ukukēta ubulilani. Popāpo komma ukubūka pakwīgēmekēsya ku kipānganio. Igemekesya ku Kalvari. Ugwe gwīsile ukuya mfwe ku findu ifingi ifi. Muketile? Kangi une nalōli ngwitika . . .

¹⁸ Unko une njobe iki akabalilo kako ikylene kili pa minogono gangu. Une naloli ngwitika ukuti ikipānganio kibōmbile ikiyabo ikinunu. Kabuno, tulipo utubalilo twīngi, bakūndwe, na bububībi mūmo uswe tukibēngile ukwīnogōna ikyēne, fifumile ukuyapo ifīndu fitupwike pakati pītu, ni fīndu bo ifyo, ifi fyo lusāmbūko. LKangi abāndu itolo bisakwēga isāmbuko sila nukubalania abāndu injila yiliyōsa. Kangi ikibugutila kya bakūndwe bikwīsa palikimo aba bo . . . aba une . . . Iki une ngusanusya ko kusōka pānja mūmo abēne bābōmbile mmasiku gapabwāndilo nu lūko lōsa lwa fīndu. Kangi—kangi uswe tulinakyo ikylene kyosa mpaka umwisyugu, muketile, pope kikwenda itolo. Kangi abandū aba babagile ukwītḡwala bēne palikimo . . .

¹⁹ Ikipīcha kyanaloliloli ikya Pentekosti, ku linogono lyāngu, akabalilo kākō ikyēne kikwīsa ku kipānganio, kyo i—i kipānga, Nkundwe Pethrus, i kipānga kya Filadelfia mu Sweden. Lilino, abene batikupasya lo luko luki ulwa kimanyisyo ugwe uli nalo, pene papo ikylene kyo Kyammasimbo. Linga umwe mukulōnda ukukibona ikyēne injila *iyi*, injila *yila*, pamo kalikōsa, akabalilo kōsa ugwe uli nu bulilani nukwītūgāsya ubūmi bwanalōlilōli ubwifyūsi ubwīkēmo. Mwaketa lelo umwe. Ikyo kyo kinunu. Kangi linga umwe mukulōnda ukuyoba ukuti Yeso ikwisa pa falasi inyelu, kangi uyūngi yula āyobile Umwēne ikwīsa pa libīngu ilyēlu, ndōndesya Umwēne injila yila. Itolo kindililaga, pene pāpo ugwe kwitugasya ubumi ubununu ubwa bumi ubwifyusi nukuya nu bwinake. Iyo yo njila. Ikyo kyo ikylene.

²⁰ Ikyo, ena, lilino, iyo yo nongwa yimoyene, binangu, ukuti une ndi ni kibugutila kya ba Business Men iki. Panongwa yakuti, une mmenye filipo ifīndu fīngi fiyo ifi fibagisenie ukugolosigwa. Loli ikylene kyo—ikylene kyo kinunu ukukinda-fyosa iki uswe tuli nakyō. Ena. Uko ko kutalusya. Ena. Filipo ifīndu fīngi ifi une ngwisakufimbilisigwaga ukuyoba. Kangi—kangi umwe, a bakūndwe apa bīsakukubūla ugwe, une ndikulekako mma ifibuli filifyōsa ku bēne. Une ndi apa ukuya gwambombo gwa Kyala, ukuyoba u Bwanaloli. Kangi une ngufimbilisigwa ukwakwamula panongwa ya ikylene. Uko ko kutalusya. Nkundwe Rose alinkuti, “Fyōbēne uswe tukuganile ugwe.” Ena, ikyo—ikyo, ena, uswe tukabagila . . . Uswe—uswe tukufimbilisigwa ukwima ni Lisyu ili. Muketile?

²¹ Itolo akabalilo kamo aka kakindilepo, une ngwinogona, aali umwe nkati. . . Une naali fisu fya panja, pamo ukukilania mu kikoga nkyinja kyakubumalikisyo, kangi abene baali nu lukomano, kangi bamo ba bakündwe bitufyaga isya nkati mu lukomano ulukumba ulu kuko abene bali na bakyulusi, ukusyungutila i kisu. Kangi abene bayobaga ngapo, “Une nali nu buyo ubunini pasi pa nguto. Ibiashara yangu yikali kinunu mma. Kangi une nali na kabalilo akanyali. Kangi ikindu kyakwanda umwe mumenye, une—une nisele ukwambilila Kristi, kangi—kangi, o, une ndinakyo kilikyosa lilino.” Lilino, ikyo kyo kinunu. Uswe tukupalisya ikyo. Ikyo kyo kinunu, loli ubukabi butikusanusya akabalilo kosa Kristi. Ikyo, muketile, kangi uswe tukufimbilisigwa ukuketesya ikyo. Lilino, ikyo kyo kinunu. Muketile? Une . . . Nakimo ukulwana na ikyo.

²² Loli une mu luko lumo ndi nkubakongesa a bakundwe ikilo kila. Uswe twabukile pasi ku mbugonelo kuko i—i kibugutila kya uswe twabukaga, kangi Nkundwe Shakarian na twesa ba uswe. Kangi une ndinkuti, “Ena,” une ndinkuti, “bakundwe, une ngubabulaga umwe.” Une ndinkuti, “Une—une ngwinogona umwe bakundwe kyo kibugutila kya bandu banunu ukukinda bosa aba une ngwaganamo siku, mbumi bwangu. Loli,” Une ndinkuti, “ikindu kya ikylene kyo kili,” Une ndinkuti . . .

²³ Une ngaya gwa kipanganio kilikyosa mma, loli une naloli ndi gwa bulilanisi bula na ikyo. Une ngupimba ilikadi lya bulilanisi na bene, ilikadi lwene une ngupimba, panongwa yakuti ikylene kikwimila ifipanganio fyosa, umwe muketile. Kangi ikyo kyo iki une nkiganile. Ikyo kyo iki une ngwiyulila.

²⁴ “Loli,” une ndinkuyoba, “i kinu iki kikumbasya une, ukuti umwe bakundwe pankyeni pa banyambala bala pasi pala, aba bo kaelifu kosa bakabipo ukukinda mumo umwe muyilile, kangi polelo ukugela ukubabula abene ukuti Kristi yo bukabi. Komma siku ukugela ukubabula abene ikyo.” Muketile?

²⁵ Komma siku ukugela ukufwanikisania ni kisu. Kileka ikisu kisege pa buyo bwitu. Komma ukubuka panja pa mfu gwabo. Muketile? Muketile? Ugwe kusoka panja pa mfu gwabo, uswe tutisakumulikaga na bene. Mulimosa, i Nongwainunu yitikumulika; iyene yikweluka. Hollywood ikumulika. Inongwainunu yikweluka. Kulipo ukukindana kwingu pakati pa kweluka nu kumulika.

²⁶ Kangi polelo, lilino, kangi une ndinkuti, “Abakundwe ba kiPentekosti aba bali ni kindukimo, bagelile ukukisoyapo ikylene, nukundyesa u ndondo, na fyosa bo ifyo, nukusoka panja kisita nakimo, muketile, ukulumbilila Inongwainunu, ukulilanila.” Une ndinkuti, “Lilino uswe tukugela ukwitufya pa filinga uswe tuli nafyo.” Une ndinkuti, “Ko kukindananki uko ikylene kili!”

27 Kangi unkundwe unnini umpala unnini, ukufuma pa tubalilo tunini umwēne āfyūkile mmwanya, alinkuyoba kwa une, umwēne alinkuti, “Nkundwe Branham, bula bwali bumo mwa busobi ubukinde bosa ubu abandu baabombilemo siku.”

28 Kangi une ndinkuti, “Lilino, kēta, nkūdwe, une ngāgelaga ukusanusya kuli abāndu ukūlisya iki abēne balinakyo. Lōli une itolo ngugela ukutēndēka ifūndo ku banyambala-bakyulusi aba.”

Umwene alinkuti, “Ubo bo bwāli busobi ukukinda bosa, abandu.”

29 Une ndinkuti, “Abene babombile ikyo ukwisila mwa Mbepo Mwikemo. U Mbepo Mwikemo ababulile abene ukubomba ikyo.” U Mbepo Mwikemo ikumbula aligwesa ukubomba kalikosa, ugwe bomba iki Umwene ikukubula ugwe ukubomba.

30 Kangi umwēne alinkuyoba, “Mulimōsa, ikyēne kyāli busobi ubukīnda-bōsa ikipānga kyangatēndikemo siku.”

31 Une ndinkuti, “Fiki, nkundwe?” Kangi palapala pala pankyeni pa nnyambala uyu une nāyobagako.

32 Umwene alinkuti, “Panongwa yakuti, mbibimbibi itolo ukūmana kunini itolo kwālisilepo nkipanga pala, kwaalipo ukukindana pakati pa baGriki kangī i—kangī a Bahiburi, na fyosa bo ifyo,” alinkuti, “abandu bala bakali nabo ubuyo ubwakubukako. Abene bakali nako na kāya kalikosa akakugomokela.”

Une ndinkuti, “Katikati itolo u bwigane bwa Kyala.”

Umwene alinkuti, “Ikyo kyabagile bulebule ukuya bwīgāne bwa Kyala?”

33 Une ndinkuti, “Abēne bābūkile kulikōsa, ukubalania i Nongwainunu, panongwa yakuti abēne bakāli nu buyo u bwakubūkako.”

34 U Mbepo Mwikemo atikutendeka ubusobi bulibosa mma. Ikyene itolo kitikubomba ikyene. Ikyo kyo kyosa. Kangi mumo une nayobaga ikilo kya mmayolo, umwe itolo mukufimbilisigwa ukwega ubukolelele bwa Kyala, kangī kolelela i Lisyu Lyāke, kangī umilisyā itolo ku Lyēne. Kisitakupāsyā kūko Ilyēne likukulōngolēla ugwe, itolo umilisyāga ukukōngēsya Ilyēne. Kyūnga ikyēne ukubūka bo ulo.

35 Lōli une nalōlilōli ne—ne ntūli gwa bulilanisi ubu bwa Banyāmbāla Bakyulusi. Kangi ulukomano-ulukulumba lulilōsa ulu une ngubilikiligwāko, une akabalilo kōsa ngubūka kangī nguyoba, nguyoba kilikyōsa iki une mbagile. Komma itolo ukugela ukwāta ikindukimo ikyakuyoba, iki kibagile ukunsangalusya umunduyumo, *Gwakuti-na-gwakuti*. Lōli akabalilo kalikōsa akabalilo kāko une ngubūka ku lukomano lwāngu, une ngugela ukufunda nu kwīpūta nu kupīk’ifindu,

nukuyoba, “Ntwa Yeso, iki—kyo kiliku iki une mbagile ukuyoba ikyo kyābagile ukutula abandu bala.”

³⁶ Aligwesa amenye une ngaya ndumbilili. Une ngaya njobi. Une—une ne. . . Aligwesa amenye ikyo. Une ngaya ndumbilili. Iyangu—iyangu i Ndumi yo kwiputula ababine, na fyosa bo ifyo. Loli, une ngaya ndumbilili. Aligwesa abagile ukumanya ikyo, mbilika une ngulūmbilila. Lōli iki une nalōli nguyoba, une ngulōnda ukubika ikibuli mula iki kisakubōmba ikindukimo.

³⁷ Komma ukuyoba, “Ngimba umwene akaya u—u ndumbilili ugwamaka? Ngimba umwene atikubombela imbombo u galamala gwake ukuya ndalusye? Ngimba umwene akaya nnuu nkigemo?” Une ndikulōnda ikyo. Une—une ngābagile ukubōmba icyēne. Kyala akālingōlile une kuli kila.

³⁸ Loli une ngugela ukukyaga ikindukimo iki kisa kuntula u mundu yula, kangi i kipanga kila ukuya kipanga ikinunupo, ukukitula icyēne ukuya a bāndu banunupo, ukwiputula pa kyēne.

³⁹ Lilino, une nāli mu luko lwa kuyoba ngati ulu ’nongwa yakuti une mbabwēne abāndu banini bakāli bikwisa nkati ukwibūngania kangi ukwēne kukugw’ifula. Iyo yo nongwa une nāyobāga ifindu ifi. Lilino, sinda-gwa-sinda ukufuma.

⁴⁰ Kangi lilino une ngulōnda ukumpālisya nkundwe. Une nummenye Nkundwe Fuller pa kabalilo katali, bwila nunganile umwene, pasi pa ndumbula yangu. Kangi uswe tuli nafyo ifindu fingi fiyo pa fyapalikimo, Nkundwe Fuller. Kangi popāpo uswe. . . Une numbwene Nkundwe Fuller lilino ku fyinja fingi, kangi une nummenye umwene ukuya nnyambala gwanaloliloli gwa Kyala, kangi une nunganile umwene. Kangi une ndi apa ulubunju ulu ku bulilanisi. Polelo nsulumēnie ukuti une nāpondilwe ikilo kyāke ukuti akabalilo kāko icyēne kyafumusigwe mbuyo apa, lōli icyēne kyāli kindukimo une ndinkutoligwa ukutula. Kangi une nhobwike ukuya apa ulubunju ulu, ukuketa ikipanga kyake, kinunu, mumo Kyala abakabisya abene nukubasaya abene. Kangi—kangi kilikyosa iki Umwene abombile kuli mwene, une naloliloli ngupalisya ikyo. Kyala alikindililaga ukunsaya umwene, kangi sayaga ikipanga iki, kangi—kangi i—i kipambo kya bakyungakyuma, abadiakoni, kangi bōsa abambakasya ba kipānga. Kangi umwe mulikulaga nukukaba mu lipyāna lya Ntwa, lo lwipūto lwāngu ulwakwīyisya.

⁴¹ Lilino, bo tukāli uswe ukwisa ku Lisyu, unko uswe tusegeléle u Nsimbi, icyākwānda. Unko uswe twinamisye imitu gyitu itolo pakabalilo ku lwiputo.

⁴² Akabalilo kako uswe tukwitugala nubusisya lilino mu Kuyapo kwa Kyala, ni mitu gyitu ni ndumbula syitu siineme, ngimba kulipo ukusuma mu ndumbula yako, ukuti ikindukimo iki ugwe ulinakyo nu lufūmbwo, ukuti ugwe ubagile kulonda u

Ntwa ukupa kwa ugwe, ukuti une mbagile ukukumbukila ugwe ndwiputo ulubunju ulu apa pa kipanga? Ngimba ugwe ubagile itolo ukukileka ikyene kimanyisigwe nu kufyusya ikiboko kyako? Kibikaga itolo ikyene mminogono gako, iki ikyene kili. U Ntwa paga aligwesa gwa umwe ubusume bwīnu.

⁴³ Gwaipyana kangi mwīkēmo Tāta Kyalā, Yūyo āpelīle ifindu fyōsa mwa Kristi Yeso, ku lwīmīko Lwāke, uswe tukwisa mu Kuyapo Kwako ulubunju ulu nukupālisya pa ndumbula syitu. Kangi bo uswe twēndīsye ukwisila mu fula, kangi umbelo gukupūta, ifula yikugwa, uswe tukusuma, Tāta Gwakumwanya, ukuti Ugwe kwisa kōnelelāga panja pa uswe ifula ya Kumwanya, ifula yamwambepo, ifula yabumalikisyo kangi ifula yapakwaanda, palikimo, mu ndumbula syitu umwīsyūgu.

⁴⁴ Uswe tukusuma, Tāta, ukuti Ugwe kusayaga ikipanga iki. Uswe tukupalisya fiyo panongwa ya ikyene, panongwa ya ntimi gwake, ku kilundilo kyake, kuli i...u buyo kūko abāndu babagile ukwāgāna nu bugeleke pamwanya pa mitu gyābo kangi ikikota ikinunu ikitōfu ukwitūgasyāmo.

⁴⁵ Uswe tukugomokela mu mīnogonelo gītu ku syāmbukūlu kya Kipānga kyapabwāndilo, iki ikyāpabwāndilo, ikyabatumigwa, i Kipānga kyakīsu-kyōsa, nu kukēta mumo abene bītugasyāga pa mabwe pamo kalikosa aka abene babagile, ukupilika i Lisyu lya Kyalā, kangi polelo ukufūgāma pa kipālo, kangi ikyēne kitalele kangi lyālabwe kangi kifitano, kangi pala ukukolelela amaboko gabo ku Mwanya nukwīkyela u Kuyapo kwa Mbepo Mwikemo. Bapa abēne ubusisimikisye bo ulo mu myūmbi gyābo mpaka abēne babagile ukwēnda mu mbako ya ngalamu, nasiku nukutendeka ukusema, loli ukusekelela pa kisyo kyabo, ikuketa ku Mwanya, bamenye, mu maminiti manandi, abene bikuyaga mu Kuyapo kwa Umwene Uyu abene banganile.

⁴⁶ O, lwītiko lwa batāta, lukāli lūmi, palema nalinga mūngīsi, lulapi kangi lūbo. Kiyeye kipya mwa uswe, O Ntwa, lwītiko bo ulo. Tupapo uswe u lusayo ulukulumba ulwabatumigwa ulwa Mbepo Mwikemo.

⁴⁷ Aligwesa umwisyugu uyu ali na maboko gabo mmwanya, Umwe mumenye iki abene balinkyo nu lufūmbwo, Ntwa. Ugwe umēnye iki kyāli kunyuma kya kiboko kila, kyakulōnda nki kangi kyakufūmbwa mu ndumbula yila. Ugwe gwīmwenē ubagile ukutwāla ulufūmbwo lulilōsa, Ntwa. Kangi une ngusūmila kuli abēne, kisita kumanya ulufūmbwo lwābo, lōli ukupa ulwīpūto lwāngu ukuya bupepekelo kuli abēne. Ukuya ntumigwa Gwako, une ngwiputa nindumbula-yosa kuli aligwesa gwa yula, ukuti, kilikyosa iki abene basumile, bali ambulilaga abene. Basayaga abene, Tāta.

⁴⁸ Kangi lilino bo uswe tukubala ilya Lisyu Lyako, nukumanyisya i sukulu ya Ndungu iyi, mumo isyene syayilile,

ulubunju ulu, Une ngusuma ukuti Ugwe kwegaga a Masyu aga nu kukalang'asula ubusitakwītika bulibōsa ukufuma ku Bene, Ntwa; ukuti, amaka galigōsa ga Sētāno gabagile ukukōngotola mōsa, aga gabagile ukukyūnga Ilyēne ukuti lingakulaga, Ilyene kilibukaga mu ndumbula yiliyosa, kangī pala likwisa ukuya mipiki gya fipaso gya bugolofu, Ntwa. Lwitiko, twala panja kila kīkyo Ugwe usungulile i Lisyu Lyako ukubomba, kuyoba, "Ilyēne litisakugōmokela kwa Une bwāsi, lōli Une nisakufwānikisya kila kīkyo Ilyēne lyālōndeligwe."

⁴⁹ Lilino, Ntwa, nkēmesya ugwambombo Gwako. Ilisyu Lyako litalile likēmesigwe. Kangī, palikimo, uswe tuli yaga babagile ukuswīla u ntīmo ugu Mbepo Mwīkēmo apēle uswe u—u bumanyisi. Uswe tukusuma mu Ngamu ya Yeso. Ameni.

⁵⁰ Lilino, kwa umwe mwe mwiganile ukubala utubalilo tumo, ukukōngēsya ni—ni Ndumi, une ngulonda. . . Une ngukusuma ugwe, linga ugwe kusanukaga mwa Buku. Kangī une itolo ndi ni Ndumi ya sukulu ya Ndungu inini, ngati, ku bandu ulubunju ulu.

⁵¹ Ngimba umwe bubagile ukumbilika une kanunu itolo, ukusyūngutila mōsa, mōsa ukukilania pa buyo? Une nasemīsye ikyakuyobelapo iki mmwanya. Une ne itolo nālil'amasyu panini. Une, bo itolo une mfikile ukusuluka kuno, une ndikwēga ikupūngo. U mōhēsī āgelīle ikinunu kyāke ikikīnda-fyōsa ukunyumilisya une kubutali ukufuma apa. Une ngamanya. Une ngwitika ukuti Kyala naloliloli ikōnelelāga panja ikindukimo ikikulumba pa lukomano-lukulumba ulu akabalilo aka, panongwa yakuti Sētāno abōmbīle kilikyōsa umwēne ābagile ukunyumilisya une kubutali ukufuma ku kyēne.

⁵² Lōli lilino uswe tukuyaga pakabala ukufuma ku Bwāndilo, untu gwa 22. Kangī umwe mwe mwisakusanukaga mwi Bangeli lyīnu, unko uswe tubāle akayabo ka Ilyēne, palikimo. Bwandilo 22, unko uswe twande pa linandi lya 9.

Kangī abene bālisīle ku buyo ubu Kyala ālimbūlīlepo umwene; kangī Abraham āyēngīle ikigemo pala, nukulāmbalīka imbabu ndubātīko, nu kumpīnya Isaki umwanundumiana gwāke, nukundāmbalīka umwēne pa kigemo pamwanya pa mbabu.

Kangī Abrahamu alinkubālūla pānja ikiboko kyāke, kangī alinkwēga ikimāge ukubūta u mwānundumiana gwāke.

Kangī ugwandumi gwa NTWA alinkunkolela umwene ukufuma ku mwanya, nukuti, Abraham, Abraham: kangī umwene alinkuti, Apa ndipo une.

Kangī umwēne alinkuyoba, Ukulāmbalīka mma ukiboko kyāko pa ndumiana, kangī'mma ukubōmba ugwe akāndu kalikōsa ku mwēne: kabuno lilino Une mmenye ukuti ugwe kuntīla Kyala, ukukēta ukuti ugwe

ukabanilila mma umwānundumiana gwāko, u gwāko mwēne umwanundumiana ukufuma kwa une.

Kangi Abraham alinkufyusya amaso gake, nukuketa, kangi keta kunyuma kwa umwene ing'osinyambala yilinkukoligwa nkati u ndusingi ni mbembe syake, pamo ni mbembe syake, ndigi: kangi Abraham alinkubuka nukwakwega ing'osinyambala yila, kangi alinkumpa umwene pamwanya. . . lōsa ukuya kyabupi-ikyakokya mbuyo bwa mwanundumiana gwake.

Kangi Abraham alinkukōléla ingamu ya buyo Yehovayire: mumo ikylene kiyobigwe ku lisiku ili, Mu kyamba kya NTWA ikylene kisakukētigwāga.

Kangi u gwandumi gwa NTWA alinkumbilikila kwa Abraham ukufuma ku mwanya akabubili,

Kangi alinkuti, Panimwene une mfingile, ikuyoba u NTWA, . . . panongwa yakuti ugwe ubombile ikindu iki, kangi uka banilila umwanundumiana gwako, umwanundumiana gwako mwene:

Ukuti ndusayo Une nisakukusaya ugwe, kangi mu kubala une nisakubāsania imbeyu syako bo sindondwa sya . . . kumwanya, kangi bo misānga . . . pa kiloboko kya sumbi; kangi u luyungu lwako lwisakupoka ikipata kya ndugu gwāke;

⁵³ Une ngulonda ukwega amasyu ga bumalikisyo ago ku busimbe: *Kangi U Luyūngu Lwāko Lwisakupōka I Kipata Kya Ndugu Gwāke.* Ulo lo—lo lufingo lwakuswigisya.

⁵⁴ Lilino, uswe twēsa twīsibile na kapāngo aka, lumo tubalile akēne ukwāndisya, ukwāndisya, akabalilo ukufuma pa kabalilo, gwa Abraham, kangi mumo Kyala alinkolile umwene ukufuma nkisu kyake, kangi mumo umwene ali nnyambala gwapaliposa, nakimo ikyapasima. Loli Kyala alinkolile umwene nukumpela umwene ulufingo.

⁵⁵ Lilino, une ngulonda umwe muketesye ukuti ulufingo ulu Kyala apelile Abrahamu lukaali itolo kwa Abrahamu mma, lōli ikyēne kyāli ku mbeyu yāke ukufuma ku mwēne. Lilino, abāndu bingi bikuyoba, “O, linga une nāli bo Abraham, linga une nābagile ukuya kūko Kyala āyobile kwa une kangi—kangi ukūmba une ubusisimikisyo bo Umwēne ābōmbile kwa Abrahamu, polelo une āngāli nguya, une—une nalōli nābagile ukuya nu lwītiko, Nkundwe Branham, linga une itolo nāli nalo, linga Kyala āyobile kwa une bo mūmo Umwene ābōmbile kwa Abrahamu.” Loli ugwe uli nu lufingo lulalula ulu Abrahamu ali nalo, ko kuti, linga ugwe gwe Luyungu lwa Abrahamu.

⁵⁶ Polelo ugwe kuyoba, “Loli, Nkundwe Branham, une ne Gwapanja. Une ngabagila ukuya nu luyungu lwa Abrahamu.”

⁵⁷ U Luyungu lwa Abraham lukaya mbeyu yakipeligwa. Ulwene lwāli Mbeyu yamwambepo, kuli bubūtigwe bwa kila kyāli nakimo. U lufīngo, Umwēne ālimpēle umwēne napāpo bwākāli ububūtigwe. Lōli ulwēne lwāpīgwe ku mwēne bo bukāli ububūtigwe, kangi ikyēne kikāli mma panongwa yakuti umwēne ābūtīgwe kangi mu lwītikāno na Kyala injila yila. Iyene yo nongwa yakuti Abraham ālitike Kyala.

⁵⁸ Kangi i Lisimbo lyāyobile, ukuti, “Akabalilo kāko uswe tuli bafwe mwa Kristi, uswe tukwisa ukuya Luyungu lwa Abraham.” Pauli ikuyoba isya ikyēne, “Kangi yula yūyo yo nJuda yo akaya nJuda pānja, lōli nJuda nkati.” Polelo, linga ugwe upāpīgwe ukufuma mwa Mbepo gwa Kyala, “ugwe gwe Luyungu lwa Abraham, kangi twe bingilakilingo na Abraham ukufwana nu lufingo.” Muketile? Polelo ulufingo lulilōsa ulu Kyala ālimpēle Abraham ulwako, panongwa yakuti mwambepo umwe muli Luyungu lwa Abraham.

⁵⁹ Kangi ugwe fiyopo gwe nJuda ukukīnda ugwe gwābagile linga ugwe gwāpāpīgwe mu lilopa lya kiJuda, kangi polelo—kangi polelo nukuya nJuda gwakimanyisyo kitalusye nkipānga kila, kangi mpīke gwa uyu umpala u Mbepo Mwīkemo kangu u Ntwa Yeso Kristi. Muketile? Ugwe ukindile ugwa baYuda, panongwa yakuti ugwe gwe nJuda uyu apāpīgwe nu lufingo ukufuma ku Mwanya, iki Kyala ālimpēle Abraham, kangi Abraham ālitikisye ikyene nu lwītiko, kangi ikyo kyo iki kyālimpelīle umwene iki umwene āli. Mulimōsa, u nJuda ko itolo lwīpāgūlo, kangi ukuloboka ukukilania, Hiburi, na fyōsa bo ifyo.

⁶⁰ Lilino, lōli akabalilo kāko ugwe gwīpāgwīle gwīmwēne ukufuma ku findu fya nkīsu, ukilenie umpaka ugwakupagulania gula, kangi kuyāta nkīsu ikihēsya, i kīsu ngati ugwe ukālimo, mbwāndilo, na bāndu aba akēndelangamo nabo siku mbwāndilo, polelo ugwe kwīsa ukuya nJuda gwāmwbēpo. Panongwa yakuti, injila yilayila iyi Abraham, nu lwitiko, alinkukileka ikisu kyake, ābalekile abāndu bāke, ābūkāga nkīsu ikihēsya na bāndu abahēsya, ugwe ubalekile abāndu bāko, ukilekile i kīsu kunyuma, ubalekile abanino kunyuma, ulobwīke ukukilania, ukwīsila i Lilopa lya Yeso Kristi, kangi gwe mwendanjila, ikulōndēsya a Kāya, uyu Njengi nu Mtēdeki yo Kyala, bo yu Abraham āli. Bendanjila, mula nu Mwene, bikwitugala mfitembe, ifipanga, balilanisi ba Kitangalala kya Kumwanya, bingilakilingo ba findu fyosa ukwisila mwa Yeso Kristi. Muketile? Uswe tukilenie ukukilania, tupaguligwe.

⁶¹ Lilino, Abrahamu, ulufingo lupeligwe kwa Abrahamu nu Luyungu lwake ukufuma pa mwene. Lilino, Kyala apele ulufingo ulu kwa Abrahamu, ulwa Luyungu lwake, kipokāga ikipata kya ndugu gwāke ukufuma pāpo Umwēne āgelīle Abraham, ālingelīle Abraham. Lilino, ukufuma pāpo u kugela kukwisa, polelo...

⁶² Abraham ātalīle apindusígwe, uswe twābagile ukukikōléla ikyēne, ukufuma ku bwāpánja ukwisa mwa Kyala. Kangi polelo Kyala ālimpéle umwene, ukuya kimanyilo kya Mbepo Mwikemo, ukubūtigwa. Polelo, ukufuma pa bubūtígwe, polelo kakwisa akabalilo ka kugeligwa.

⁶³ Ikyakwīmilīla ikimogi fiyo apa ikya Kipanga, ukuti, ukufuma pāpo uswe tuponisye, polelo uswe tukupígwa ikimyatikilo kya kubutigwa, iki kikaya kya mbili, loli ikya Mbepo. Kangi u Mbepo Mwikemo yo bubūtígwe bwītu. Ikyene yo mmāge unsufi gwa Kyala. Ikyene kikupagulania nu kutumula u mbili gwakōngelelako, ugwa kisu, ukufuma kwa uswe. I Lisyu lya Kyala, lipiyase ukukindapo ukukinda ingwebo imbyasye kubili-kosa! Polelo, umwe muketile, gomokela kunyuma kangi, i Lisyu lya Kyala lya kindu iki u Mbepo Mwikemo ikubombela; komma ifimanyisyo, komma ifipānga-fipāgūke. Loli i Lisyu lya likutapulania uswe ukufuma ku findu fya nkīsu. Ilyēne likutumula ukusōsyāko amīnogōno gītu ni fīndu, kangi lōsa lukemēsya uswe kwa Kyala.

⁶⁴ Yeso aatile, “Linga ugwe kwitugasya mwa Une, kangi i Lisyu Lyangu mwa ugwe.” Mwaketa lelo umwe. Polelo, ilyene likaya lisyu lyako mma. Ilyene lya Lisyu Lyake. Polelo, ugwe uketile, “Linga ugwe kwitugasya mwa Une, kangi i Lisyu Lyangu mwa ugwe, ugwe ubagile ukusuma aka ugwe kulondesya.” Aa-ha. Muketile? Iki ikyene kili, ugwe ukaya ukuyoba ilisyu lyako lyene mma. Ugwe kuyoba ilisyu Lyake.

⁶⁵ Popāo polelo u Mbepo Mwikemo yo Yuyo uyu ikwega i Lisyu lya Kyala kangi likutapulania uswe ukufuma ku findu ifi ifya nkīsu, muketile, kububūtígwe, ukukekania. Polelo ugwe kubuka ukukinda akabalilo ka kugela.

⁶⁶ Lilino, Abrahamu, bo umwēne akōleligwe pānja, i kīsu lya Bakaladiya, a kāya ka Uru, umwēne alinkuya ngōnēli, u mwēmbēli. Kangi polelo Kyala alinkunkolela umwene, bo umwene asisimikisigwe ukuti umwene ayaga pakubukamo nu kwegu Kyala pa Lisyu Lyake. Polelo, iki Kyala aabombile akabalilo kala, kyalimpele umwene ikimanyilo, ukuti Umwene alimmwitikisye umwene, kangi Umwene alinkumbūta umwene. Kangi umwēne alinkumbūta Ismaili na bōsa ba munyūmba yāke.

⁶⁷ Kangi lilino umwe muketile, akabalilo kāko—akabalilo kāko ugwe kukōléligwa panja, ikyākwānda ugwe kubuka ukukinda mu lugelo, ukuketa linga ugwe kubuka naloliloli ukukindilila. Kangi polelo Kyala ikukupu ugwe Mbepo Mwikemo, iki kyo kimanyilo ukuti Umwene iitikiisye ulwitiko lwako ukuti ugwe kwikōlela ukuya mu Mwene. Umwe ngongesya une lilino? Umwene ikwitikisya ikyene.

⁶⁸ Lilino, une nayobaga ku... Babagile ukuyapo abakundwe abapala aba Baptisti bitugesye apa. Kangi aligwesa amenye

ukuti une n̄sile ukufuma ku kipanga kya Baptisti. Une nayobaga ku nkundwe gwāngu gwa Baptisti. Kangi umwene alinkuyoba kwa une, “Nkundwe Branham?” Umwene āli Dokotala gwa Bunyakyala, unnyambala unnunu, u Nkristi ugwabwanaloli. Umwene alinkuti, “Loli, Nkundwe Branham, ngimba ugwe kufyaga kugu ulōsyo lwa Mbepo Mwikemo ukuya kalikosa akakindane ukukinda u lwitiko mwa Kristi Yeso?”

Une ndinkuti, “Ikyene kyo kikindane, nkundwe gwangu umpala.”

⁶⁹ Umwene alinkuti, “Ngimba ugwe utikwinogona ukuti akabalilo kako ugwe gwambilile Kristi, ugwe kwambilila u Mbepo Mwikemo?”

⁷⁰ Une ndinkuti, “Nubutalusyi. Lōli,” Une ndinkuti, “ugwe uketile, ugwe kwiyobela itolo ukuti ugwe ummwambilile Kristi, mpaka Umwene ikukitikisya ikyene.”

⁷¹ Umwene alinkuti, “Nkundwe Branham, Abraham ālitike Kyala, kangi ikyene kyalymikigwe ku mwene ukuya bugolofu.”

⁷² Une ndinkuti, “Ena. Loli Kyala ālimpēle umwene ikimanyilo, ukuti Umwene āmbilile u lwitiko lwāke, akabalilo kako Umwene ampele umwene ikimyatikilo kya kubutigwa, ukuti Umwene ālyagenie ulwitiko lwake.” Ameni.

⁷³ Lilino, akabalilo kako uswe tukwambilila Kristi ukuya Mpoki gwitu, polelo, linga uswe tuli banaloli-ndumbula mu ikyo, polelo Kyala ikutupa uswe ikimanyilo, ukuti Umwene ālyambilile u lwitiko lwitu mwa Kristi, ukwisila pakupa uswe ikifūngilo kya kubutigwa, uyu yo Mbepo Mwikemo. Ikyo kyo kifūngilo kya bubūtigwe. “Somma ukunsulumanisa Mbepo Mwikemo gwa Kyala kuko umwe mumatikigwe pa Lisiku lya Butabulo bwīnu.” Komma ku lukomano ulukōnge; lōli ku Lisiku lya Butabulo bwīnu. Uko ko kutalusya, Baefesi 4:30. Lilino, umo mo uswe tukwambilila u Mbepo Mwikemo.

⁷⁴ Lilino, linga ugwe kuyoba, “O, une ne mwitiki,” kangi Kyala akākupelemo siku ugwe u Mbepo Mwikemo mpaka na lino, Umwene atikyageniemo siku ikyene. Ugwe kwilata itolo ukuti ugwe kwitika. Loli akabalilo kako ukwilamwa kosa. . . Une ndikuyoba ugwe ukaya mwitiki lilino. Mu kiyabo kimo, ugwe gwe mwitiki.

⁷⁵ Lōli akabalilo kāko Kyala abwāgile ubukūndwe, ugwe gwāgile ubukūndwe nu Mwēne, ndigi, kangi Umwēne ikukwāgānia ugwe ukuya mwāna Gwāke, kangi Umwene amenye indumbula yako, kangi Umwene ikuketa ubwanaloli-ndumbula bwako, Umwene amenye ifindu fyosa fitumuligwe ukufuma kwa ugwe. Polelo Umwene ikukumyatika ugwe mu Kitangalala kya Kyala, ukwisila mwa Mbepo Mwikemo, ukusisimikisya ku kīsu ukuti Umwēne itikisye lo ulwītiko nki ugwe kwiyobēla ukuya nalo mwa Mwēne. Mukukyēga ikyēne lilino?

⁷⁶ Lilino, nakalinga ukufuma apo, lukwīsa ulupēfyo. “Umwanundumiana aligwēsa uyu ikwīsa kwa Kyala ikufimbilisigwa tāsi ayège nkómìgwe, ngéligwe.”

⁷⁷ Yeso, nakalinga itolo bo Umwene alyāmbilīle ubwisusye bwa Mbepo, pa kisōko, akabalilo kāko Yohani alinkummōsya Umwene, mbimbibi u mōhési ālimmwēgīle Umwēne ndulangalanga, ukukīndamo akabalilo ka ngelo. Loli akabalilo kako Umwene egege i Lisyu lya Kyala kangī ikuponjola u setano, “Ukwene kusimbìgwe. Ukwene kusimbìgwe,” Umwene alinkugomokela panja polelo itendekisye ku butumìgwe Bwake.

⁷⁸ Kangi iyo yo njila iyi Kyala ābombile kwa Abraham. Lilino, Kyala, bo ankōlile umwēne pānja pa kīsu kyāke, kangī umwēne ālimpāgwīle mwēne ukufuma ku kīsu kyāke, abāndu bāke, kangī polelo Kyala ālimpēle umwene ikimyatikilo kya bubūtīgwa, polelo ukumpapo umwene u mwanundumiana. Polelo umwene alinkubuka kula ku lugelo ulwabumalikisyo, kulakula ukusuluka ku kabalilo umwene alinkufimbilisigwa ukupa u mwanundumiana gwake mwene Isāki pa kyabupi. Kangi Umwēne alinkuti, “Bo tukukēta ukuti ugwe gukāyūngīle mma umwānundumīāna gwāko mwēne, une mmenye ukuti ugwe unganile Une.” Umwēne ampēle umwēne ulugelo lula.

⁷⁹ Polelo mbimbibi ukufuma apo, ubwīte bwākābīgwe polelo, Umwēne alinkuti, “Kangi u Luyūngu lwāko lwisakupoka ikipata kya ndugu.” Amenī. Une nkiganile ikyo. “Isakupokaga ikipata kya ndugu gwāke.” Uswe tukufikaga ku buyo ubwabumalikisyo bula itolo nkabalilo kanini, u Ntwa iganega. Lilino Umwene ākyagīle iki, Abraham unsūbilīgwa. Ukufuma pāpo Umwēne ālimmwāgīle Abraham ukuya nsūbilīgwa, polelo Umwēne ālimpēle umwēne ulufingo lwa kupoka ikipata kya ndugu.

⁸⁰ Lilino apo, utubalilo twīngi, kūko bīngi ba uswe ba kiPentekosti tutēndīke ubusōbi, nukwinogona, “Ena, u Mbepo Mwikemo alyoneleligwe panja pa une. Lwimiko kwa Kyala! Ikyo kyo kyosa iki une ngufimbilisigwa ukuya nakyo.” Umma, nkulumba. Ugwe gwe akabalilo kala kwānda itolo. Ugwe, ikyēne kikaya kabalilo kala. Ikyēne kyo lugesyo lwāko kangī lugelo lwāko.

⁸¹ Itolo bo uswe tukwāga mu—mu, kula mu—mu—mu Lwītīkāno Ulukūlu; ulugelo, ukugeligwa, kangī polelo ukubīka-pabuyo u mwanundumiana. Bufwīkīgwe, ukubīka-pabuyo u mwanundumiana ukufuma pāpo umwene atalīle yo mwanundumiana, apapigwe mu nyumba. Umwēne yo mwanundumiana, polelo umwēne ābagīle ukugēsīgwa kangī ukugeligwa, kangī ukukusīgwa nu mmanyisi, nu kukēta mūmo umwēne ikusōkelāga. Kangī polelo umwēne abīkīgwe pabuyo-na-pabuyo, kifuki, kwa tāta gwāke.

⁸² Lilino ikyo kyo iki ikylene kili umwisyugu. Uswe tufumile ukuya ni finyinja malongo mana ifya kugela aga Pentekosti, pamo

ukongelelapo, muketile, ukugela i kipānga, ukukēta ukuti kali abēne bikuyaga pakwīma, pamo mma. Irukēta iki ugwe... Kangi, muketile, apa pa pāpo une ngukyēga icyēne kangi. Mbuyo bwa kukolelela ku kipingika na ku Lisyu, nu kukindilila nkyēni, uswe tukwīsa ukuya batēndekigwa ukufuma ku kisu, ukusatuka injila *iyi*, pamo ukusatusya injila *iyi*, pamo ukwēgelēla *iki*.

⁸³ Mumo une njobīle akabalilo kosa ukulwana na bandu mbwitugasyilo bwalilino ubu umwisyugu, abakikulu bikusenga inywili syabo, kangi—kangi abanyambala bikwēndendēka kangi na filifyosa, kangi itolo ukufwala imyenda gyabulogwe ni findu. Une nguya nu lukemelo lwīngi fiyo pa ikyo. Lōli ngimba icyēne kyo fiki? Ukwēne ko kugela ukupoka i kipānga kila. Ikyēne kyo kugela ukubatwāla abēne *apa*, ku Lisyu lya Kyala, kisitakupasya iki ikīsu ikingi kikufimbilisigwa ukuyoba isya Ilyēne. Ima ni Lisyu lya Kyala. Amen. Muketile? Muketile?

⁸⁴ Ikindu kya icyene kili, bo mumo une nāyobelāga ikilo kya mmayolo, abaPentekosti bikugūlila u mbelo ugwabubopa ugwamaka, lōli abēne bikutoligwa ukupilika a Kasyu akākimyemye akanini kala. Muketile? Ukuti, icyēne kyo kisobi ukubōmba ifindu fila. Abene bikwinogona, “Pene pāpo u mbelo gukubopa, umma ndaga.”

⁸⁵ Loli ikyo kikakwabaga ubutegambulukutu bwa nsololi. U mbelo umbopelo gukalintamisyemo siku unsololi Eliya mu mbako. Ifilunduma ifyamaka ni njasi, nukōneka pāsi, fikālinkwābilēmo umwēne siku, napanandi. Lōli iki kyālinyenyemwīsyē umwēne kya kāsyu akakimyemye akanīni kala, kala akandukamo kakuyoba nkati mwa nkati. “I Lisyu Lyangu lya Bwanaloli. Unko i lisyu lya mundu aligwesa liyege butungulu, kangi i Lyangu liyege lyabwanaloli.” Ikyo kyo iki kyankwabile u nsololi. Muketile?

⁸⁶ Kangi icyene pōpe kisakubomba icyene. I Lisyu lya Kyala akabalilo kosa likukwaba aminogonelo gamwambepo, panongwa yakuti ilyēne lya linogonelo lya Kristi mwa ugwe, ili likumanya ukuti i Lisyu lila lya lyābwanaloli.

⁸⁷ Kangi ugwe kubūkamo ukukīnda nkabalilo kākugeligwa. I kipānga kikubūka ukukīndamo akabalilo kākugeligwa. Aligwēsa gwapamwene ikubūka ukukīndamo nkabalilo kākugeligwa bokakāli akēne ukupokamo siku ikipata kya ndugu. Abraham akīndilemo mu kyēne. Kristi akīndilemo mu kyēney. Ukufuma pāpo Kristi ālisusīgwe nu Mbepo Mwikemo, pala ku kisōko kya Yorodani, Umwene ākindilemo akabalilo ka kugela. Ukufuma pāpo Abraham ākōlēligwe, ukubīkigwa nkīsu kyāke kūko umwēne āyaga pakuya ngonela, polelo ukumpa ububūtīgwe, kangi Kyala alinkwāgāna nu mwēne, akabalilo ukufuma pa kabalilo, pōpe umwēne āfimbilisigwāga ukukīndamo nkabalilo ka lugelo. Uluyungu lulilosa ulwa

Abrahamu lukubomba ikindu kilakila, Abrahamu ni Mbeyu Yake.

⁸⁸ Ikipānganio, i kipānga, iyo yo nongwa uswe tukukyāgania ifipānganio fyitu fikugwila pa lubafu lwa njila, yo nongwa yakuti akabalilo kako ikyene kikwisa ku lugelo. Lo lugelo luki? Iliyu lya Kyala. Apo lulipo ulugelo. Iliyu lya Kyala lyo lugelo. Ngimba uswe twisakubōmba iki ikibugutīla kya banyāmbāla bikuyoba bōmba, pamo ngimba uswe twisakubōmba iki Kyala ikuyoba mbōmbe? Ikyo kyo kikīndéne.

⁸⁹ Pala ikyēne kilinkwīsa, amasiku ga Dwight Moody, amasiku ga Finney, Sankey, Knox, Calvin, Spurgeon, bōsa abāngi ba bēne, banyāmbāla bamwambepo bala, ifipānganio fyākōngésyāga abēne. Abēne bali nabo mōsa i kipāmbō kya banyāmbala kunyuma kula aba batumwīle injila syābo nkati nkyēne, aligwēsa ikwītika *iki* kangi *kila*, kangi ukōngelelāpo akanini *apa*, kangi ukusōsyāpo akanini *pala*, kangi ukōngelelāpo akanini *apa*, mpaka kubumalikisyo abēne bātēndīke ikipānganio ukufuma ku kyēne.

⁹⁰ Kangi akabalilo kako abene bikubomba, umwitiki ugwabwanaloli, Kyala ikwīsa palapala ukusyūngutīla nu kupīmba kamo akanini, akamūndu akiyīsye, ukubongotola ikindu kila ku tupato. Kutalusya. Bwila ābombile ikyene. Kyala atikusanuka mma. Itolo ikupātula ikīndu kila ku tupato, bamo abāndu abīnogonēla-mwāmbēpo aba bīsakusyāla palapala ni Lisyu lila.

⁹¹ Unko une mbabūle umwe. Une nālyambilīle kalata ku kāya, ukufuma ku kimo mwa fipanga ifinunu fiyo, ifipanganio ifinywamu mu bugūte bwa kiPentekosti. Yula umpelakisa unsulumane-ndumbula unkīkūlu ālinsīmbile une u kalata. Kangi umwene alinkuti, “Nkundwe Branham, une nali ni nywili indali kangī nālī ni kipambo pa nyuma yangu.” Umwene alinkuti, “Kangi u . . . Undume gwangu ākiganile ikyene.” Kangi umwene alinkuti, “Uswe twāsāmīle ukufuma nkāya kūko uswe twālī ni kipanga iki kyālī nalōli kyāmwāmbēpo, ukubūku kūko i kipanga ikinywamu iki, i kipanga kyākwānda ikya kāya.” Kangi alinkuti, “Akabalilo kāko uswe tukufika nkati mula, bōsa abakalumbu ba kiPentekosti bātumwīle inywili syābo.” Kangi alinkuti, “Abene bālingōngile une ukufwana ni kyene. Une ndinkuti, ‘Umma, umma. Une ngwitika ili Bangeli likuyoba kuli uswe ukubomba ikyo; kikosyasoni ukubomba ikyo.’” Kangi polelo umwene itolo alinkuti, “Kangi abene balinkumilisa . . .” Abene balinkunseka umwene, bikuti, “‘Hee, ilyāko–ilyāko ilitāyāla likōka ku nyuma, ilya pasima,’ kangī fyōsa bo ifyo. Kangi balinkubūmba undume gwāngu, mu njila yimo, mpaka umwēne alinkumfīmbilisa une ukutumula inywili syāngu.” Kangi alinkuti, “Une ndobesigwe, ukufuma lulalula.”

⁹² Inogona isya ikyene, i kipanga kya kiPentekosti iki kibagile ukwima kuli i Lisyu lya Kyala! Apo po papo ikipanganio kyako kikwegela ugwe. Kotalusya. Abene bikutoligwa ukupilika i Masyu amanini agakimyemyemye ga Lisyu lila, ili likubakolela abene ku bwanaloli. Abene bosa bikupilikila ku mibelo imibopabopa igyamaka, kangi ikilundiko kya kulalata nu kumoga, bikuyoba abene bali na maka. Ikyo kyo kinunu mosa. Une ngwitika mu ikyo, nene. Loli, nkundwe, akabalilo kako ugwe ubagile ukumoga nukuywega, kangi polelo nukusyumbutuka nu kupika i Lisyu lya Kyala, nukwitugasya bo kisu kya pasi, kilipo kimo kitamisye pa buyobumo. Kotalusya.

⁹³ U Mbepo gwa Kyala ikusuluka pasi, kala akakimyemye akanini a Kasyu, kangi likutalula ugwe kulakula ku Kalvari, kuko uswe tufwile, kangi u bumi bwitu bufisiigwe mwa Kyala ukwisila mwa Kristi, nukumyatiligwa na Mbepo Mwikemo. Polelo, i Lisyu lyene ntiga likwitugasya pala. "Polelo linga ugwe kwitugasya mwa Une, kangi i Lisyu Lyangu mwa ugwe, suma aka ugwe gwiganile kangi ikyene kisakupegigwaga kwa ugwe." Apo po bulipo ubukindane.

⁹⁴ Une ngusubila une ndikuboneka kwa umwe ukuya mumilisi. Linga une ndi, une ne—une ne—une ne nsitakumanya isya ikyene. Une—une ngwitika ukuti i Lisyu lya Kyala lya Bwanaloli, kangi Ilyene likufimbilisigwa ukwitugasya papapa apa. Kangi linga Ilyene likwitugala muno, Ilyene lisakwibonessa Lyene panja. Ilyene libagile! Ubumi bwako, ubutendeke bwako bosa, bwisakuyaga bukindane.

⁹⁵ Polelo akabalilo kako Kyala alimpole Abraham ulugelo, umwene isile ukukinda, mia yumo. Kangi abagile. . .

⁹⁶ Kyala akabagila ukupa ikipanganio u lugelo, panongwa yakuti ikyene kifuluganikene mosa. z Kyala atikubombela mu njila yila ni kipanganio. Umwene atikubombela ni fikolo mu luko lwa Bapanja. "Umwene alyegile abandu ukufuma ku Bapanja." Israeli, Umwene alyegile ikisu. Loli, isya Bapanja, "Umwene alyegile abandu ukufuma ku Bapanja panongwa ya Ngamu Yake." Polelo, umwe muketile, ikyene kikaya kipanganani... Ikyene kikaya kipanganio mma. Ikyene yo pamwene pamwene Umwene ikusoosya ukufuma mu Gwapanja.

⁹⁷ Kangi akabalilo kako ulugelo lukwisa, umwe mukuketa iki kikuboneka? Uswe naloli twasokile panja kuli ubwitikisigwe. Uswe naloli twalyambilile u losyo lwa Mbepo Mwikemo mu bugute bwapentekosti. Loli akabalilo kako ikyene kikwisa ku kabalilo ka lugelo, ukwega abasukulu abapuputigwe, kulonda ukuya bo bakisu, itolo bo ikyene kyayilile mmasiku ga bugute bwa Wesley na bosa abasyale ba bene. Abene bikubuka ku sukulu. Abene—abene bikumanyila sayansi. Kangi abene bikumanyila fyosa u luko ulungi ulwa findu ulu lukubuka nu bumanyili. Kangi abene bikugela ukumanyila

ubufūndaminogono. “Itolo ikindu ikinunu ukukinda-fyosa, ena, komma ukuyoba *iki*. Baleka abēne babōmbe *iki* kangi *kila*. Panongwa yakuti ikyēne kisa . . .” Muketile, ugwe kulūndika kangi kuyēnga. Yako—yāko—yāko ifūndo yo nsobi. Ikyākulōnda kyāko kisobi. Umwe mukuyenga ku kipanganio mbuyo bwa kuyenga ku Kalvari. Ngimba ugwe ubagīle bulebule ukuyenga ku Kalvari, komma ukwisa mu njila ya Lisyu?

⁹⁸ “Kabuno uswe tusukigwe na misi ga Lisyu.” “Ugwe kwitugasya mwa Une kangi a Masyu Gangu mwa ugwe, polelo suma aka ugwe kulonda.”

⁹⁹ Apo po uswe tukukēta ukupōnjoligwa kwa bugute bwa Kipentekosti, panongwa yakuti abēne bikusōkākō ku Lisyu. I Lisyu lisakuyoba ikindu kimokyēne; abēne bisakugela ukutēndēka ikibugutila kila ukwisa nkati mula pabuyobumo. Kangi abēne bisakusōkāga itolo ukufuma ku Lisyu lila, nukukyēga ikyēne mulamula nkati ni kipāngānio. Kangi umwe mukukēta kūko ikyēne kibūkileko? Ikyēne kyo kifuki bo fipānga ifisyāle fyōsa. Loli polelo uswe tukumoga nukuywega, nukuyoba mu ndimi, kangi ukunyela-nyela, ifyene fili kanunu. Ikipāngānio kyābo kili kanunu. Une ngusūbila une nītēndike nimwēne ukuya mbilikisigwe. Loli ikindu kyo, kala akākimyemye a Kasyu ka Lisyu kakuyoba panja. Ikyo kyo kyene.

¹⁰⁰ Ugwe kubūka ukwisila mu lugelo. Kyala ikukugela ugwe mūmo Umwēne ābōmbīle kwa Abraham. Umwēne ikugela u Luyūngu lwa Abraham, ukufuma ku mwēne. Kangi lilino, inongwa iyi uswe tutikupoka ikipata kya ndugu, inongwa filipo fingi pakati pa uswe, yo nongwa yakuti uswe tukabagila ukwikāsyā u lugelo. Kangi unko une mbabule umwe ikindukimo, u lugelo lwa Lisyu lusalusye.

¹⁰¹ Inongwa iyi uswe tukaya nayo, kangi uswe siku tutisakuyamo . . . mu kipāngānio. Une ngwinogona Pentekosti alinakyo ikibugutila ikinunu kimo. Bamo ba banyāmbāla abanunu ukukīnda un . . . balāmbalele . . . bali nu būmi pa kisyo kya kīsu, bo ba mu fyēne—fyēne ikipāngānio.

¹⁰² Aba Assemblies of God, une ndinabo abinangu nkati mula. Mwe! Unkundwe palapala pala mu Indiana, une nguyaga, ukuya nu lukomano, une ngusubila, lululu ulu. Nkundwe Roy Weed, umwēne yo nnyāmbāla gwa kiyabo kya sikali ya Indiana. Une ngwitika yula ukuya mūndu gwabunyakyāla. Lōli, umwēne yo nnyāmbāla gwa kiyabo kya Assemblies of God.

¹⁰³ Foursquare, o, mwe, ba bīngi! Ralph McPherson kangi bīngi ba bala abakūndwe, bābo bo banyāmbāla abanyakyāla, nakimo pa būmi bwābo. Abēne bo banyāmbāla banunu.

¹⁰⁴ Kula ku ba Oneness, ifi abēne bikwikolela bēne, ba Oneness. Pamo, lilino, une ndikwinogona . . . Abene bikukikolela ikyene i kipānga kya Ngamu Yeso. Jack Moore, itolo ikukōlela yumo

ukufuma mu . . . Balipo bamia ba abène, banyāmbala bannyāfu, banyāmbála abanunu, banyāmbála abikyāla.

¹⁰⁵ Lōli ikindu kya ikyēne kyo, nkundwe, kyo iki, akabalilo kâko ugwe kwibanililāga ku kipāngānio kila. Muketile? Kyala ikwega ifpāngānio fila, kangī—kangī ifyene fyo filifyosa figwīle. Kéta ku fila, ubwapanja bukwafulilamo. Kéta ku bakikulu babo. Kéta ku banyambala babo. Kéta ku bwitugasye bwabo. Une mbagile ukubasosoléla umwe, Assemblies of God aba bali na badiakoni pa kipambo kyābo, aba bēgile kabili pamo katatu, balūmbilili bikukīndilila. Abakikulu ni nywili syabo situmuligwe, bafwele ibundu, ifyakwipapakapakaka, kangī bakāli bikwiyoaba ukuya nu Mbepo Mwikemo, bikusubila pa buketi bwa kuyoba mu ndimi, pamo ukunyela-nyela, pamo ukuyewga.

¹⁰⁶ Abène bikutoligwa kala akākimyemye akanini a Kasyo ka Lisyu. I Lisyu lila likukukyūnga ugwe ukwigēmesya ku kipīngika. Kula ko kūko ikyēne kilāmbalèle. Fyōbene uswe tutikuya na basololi ababwānalōli mu kipānga umwīsyūgu, ngati Agabus.

¹⁰⁷ Iyo yo nongwa, ikipanga umwisyugu, abene—abene nubukafu ukuyindika ukuyobela mu ndimi akabalilo kako umunduyumo ikuyoba, panongwa yakuti abène bapīlike fīngi fīyo ifisyōbi kangī nukwēgeligwāmo-itolo, mpaka abène batikumanya iki kyo kitalusye kangī kisobi mu kyēne.

¹⁰⁸ Isanusyo isyo syo itolo popāpo minyēnya, umunduyumo itolo ikuyoba ikindukimo panongwa yakuti umwēne ikwipilika alōngoleligwe. Ubo bukaya busanusi. Ukulingania; komma umunduyumo ukwima nukuyoba mu ndimi, uyungi yumo ukusumuka mu maminiti manandi nukusanusya iki umwene aayobile. Akabalilo kako yumo ikuyoba, uyungi ikulingania palapala pala, ikuyoba ilisyu ukwisila mu lisyu, ikyākuyōba kilakila, kilikyosa kilakila. *Uyu* unyāmbala abagile ukuti ikusolola, lōli ikyēne kikaya busanusi. Bamo mwa bene, u luko *ulu* ulwa masyu ukupa ikindukimo, *iki* ku nyuma apa ukupa ikindukimo ikingi. Kangi bamo bikuyoba amasyu kalongo, uyungi ukuyoba amasyu malongo mahano kunyuma kwa ikylene, ukuya bulinganio.

¹⁰⁹ *Ukusanusya* kokuti “ukuyoba, lisyu-pa-lisyu.” Linga ilyene lyo Lisyu lya Kyala, ilyene likufimbilisigwa ukwisa, ilisyu pa lisyu; lukīndi pa lukīndi, ulukīndi pa lukīndi. Iyo yo njila i Lisyu likufimbilisigwa ukwisa.

¹¹⁰ Lōli fyo fiki uswe tukētīle? Ifisyōbi fi fīngi fīyo! Kangi abène bābōmbīle ikyo, ndubātīko, mbuyo bwakwitugasya ni Lisyu, abène bābīkāga ikyo pāsi pala. Nakalinga itolo bo u nnyāmbála ābōmbīle ikyo, abène bālīnkōlīle umwēne mPentekosti. Kangi umwe mumenye iki kikuboneka.

¹¹¹ Akabalilo kâko u lugelo lukwīsa, akabalilo ka kugelīgwa, polelo i Mbeyu yīkwānda, ikyēne kikunāngīsyā iyī yo Mbeyu

kangi iyi yo yikaya. Lilino, kisitakupasya iki kyābonike, Abraham āsyéle ni Lisyu, u lufingo.

¹¹² Lōli umwīsyūgu i kipānganio kikabagila ukubōmba ikyo. Kangi bamo mwa umwe bakūndwe bapala mwe muli mfipānganio fila, umwe mukukānikāna na bēne akabalilo kamo, umwe mumenye kūko umwe mukīndīle. Balinga ba umwe?

¹¹³ Une ndikuyoba, mu nyumba iyi lilino, loli balinga aba bali mbufunde bwangu, balinga aba baali na une, bikuyoba, “Nkundwe Branham, uswe tumenye ukuti ubo bo Bwanaloli. Loli linga uswe tukusosigwa panja apa, ngimba uswe tukubombaga fiki?”

¹¹⁴ Nkūndwe, ngomba fyo fiki uswe tukubōmbāga? Ibaninīla ku Kalvari, itulika ku lufīngo, itulika ku kipīngika, mulimōsa.

¹¹⁵ Kangi ukukilania nkati mula, abene bali na bamo mwa banyambala banunu ukukinda bosa. Muketile? Lōli iki une ngugela ukubōmba, kyo ukuyoba, kyo kikufimbilisigwa ukutoligwa. Ikyēne akabalilo kōsa kitoligwe kangi akabalilo kōsa kisakutoligwa. Lōli ikyēne kyo, kali ugwe kutoligwa pamo mma, na Kyala, kyūnga i Lisyu lya Kyala nu lufingo Lwāke, ikyākwānda. Ugwe kwisakugelīga ni Lyēne.

¹¹⁶ Ugwe kwīsakusaina ifikalatasi, ukuti ugwe kwisakubōmbāga *iki* pamo kubōmbāga *kila*. Nalinga fikulwāna ni Lisyu, ugwe pōpe kwīsa kusaina ikyēne. Uko ko kotalusya. Mu ndumbula yako, ugwe umenye ikyene kyo kisobi. Ako ko Kasyu akakimiyemye akanini kala kakuyoba, i Lisyu lila. Yo nongwa uswe tukabagila ukwenda nkyeni, panongwa yakuti kyo kindukimo iki kyabonike. Umwe mwālipāgwīle mwīmwenē ukufuma ku kala akākimiyemye akanini a Kasyu. Umwe mwābopile pānja nubwēngo fīyo. Kyala ākukōlelāga ugwe, lōli ugwe gwābopile pānja mbibimbibi fīyo, panongwa yakuti injasi syālūndwīme, ifimwekumweku fyāmwekwīke, ikyāmba kyasenyēndīke.

¹¹⁷ Ikyene kikasemisyemo siku Eliya, unsololi yula. Umwene alondaga Ilisyu lila, ukwanda. Umwene alinkuti, “Une ngulambalalaga papapa apa.”

¹¹⁸ Bingi fīyo umwisyugu, bālyandileko, ingomano sya bubumbulusyo, ifwanikisano isyamumbili, uluko losa lwa findu, kangi ifyakwinyenyemusya ifi fikabonekamo siku mu Lisyu lya Kyala. Uko ko kotalusya. Ngimba ikyene kyo fiki? Uswe tubagisenie ukwimba ulwimbo lula, “Abene aba bikugulila pa Ntwa. Unko une niyufye u lwitufyo lwangu nukukolela pa Ngamu Yako. Unko une ngūlile, Ntwa, mpaka une ngupilika kala akākimiyemye akanini a Kasyu.” Kangi kala a Kasyu kisakuyaga Kasyu Kammasimbo. Ilyene lisakuyoba katikati ni Lisyu. Ameni. Umma ndaga.

¹¹⁹ Ālyāgīgwe, Abrāhāmu ukufuma pāpo umwēne ābīkīgwe, ākōlelīgwe pānja, apagulīgwe ukufuma ku baganigwa bake,

ukufuma ku kikolo kyâke, ukufuma ku kâya kâke, kuli u luko lwake, nkîsu ikihesya. Nu lwitiko umwene aabombile ikyo. Polelo, panongwa yakuti umwene aabombile ikylene, Kyala âlîmpéle umwene ububûtîgwe, ukusisimikisya ukuti umwene yo mwanundumiana gwa Kyala, ukuti umwene âlitike mu Mwene panongwa yakuti umwene îitikaga u lufingo. Pôpe, umwêne âkâbagile, umwêne akakibwêne ikyêne kyâkipeligwa, lôli umwêne alinkuyoba, “Kalikôsa akakîndâne ku Lisyu lya Kyala kâli butîngûlu.” Kisakupâsya bu bukêti bwîngi buki bukwîsapo, ubwêne pôpe bo busyôbi.

¹²⁰ Une nkibengile ukuyoba iki, lôli une nguyaga pakufîmbilisigwa ukubômba. Kêta. Kangi akabalilo kâko ugwe kwêga abakîkûlu, une nisakuyoba ikyêne ku kindu kimokyêne iki kikuboneka, mbagile ukukêta, aba bikwîyobêla ukuya na Mbepo Mwikemo, kangi bakaya bîfyûsi ukufwânapo uku—uku leka inywîli syâbo ukukûla, kilipo ikindukimo kisobi pabuyobumo. Unkikulu uyu isakufwala umwenda ugu gubagilile unnyambala, kangi nukufwala ugwe, akabalilo kako Ilibangeli likuti, “Ikyene kyo mwiko kwa—kwa Kyala, ku nkikulu ukufwala umwenda ugu guliti bo gwa nnyambala.” Kangi polelo ugwe kuyoba ukuya nagwe Mbepo Mwikemo kangi ukubomba ikyo?

¹²¹ Une nâyobîle pa lisiku limo mu Oregon. Âlipo u nkîkûlu âsimbîle une u kalata unkulumba unywamu. Umwêne alinkuti, “Nkundwe Branham, ugwe uli nu butumigwe ubunyafu, lôli ugwe nalôli kônânga ubwêne.” Umwene alinkuti, “Lilino, bule isya...” Alinkuti, “Une ngufwala aba ovarolo akabalilo kosa.” Alinkuti, “Ngimba bule isya kubuka panja mu ngunda gumo—gumo ungunnda, kangi mfwele ilidiresi. Ngimba ugwe utikwînogôna ikyêne kisakuboneka kununupo fiyo na ma ovarolo ukukînda mûmo ikyêne kisakuyaga, pamo ma dangariya, kilikyôsa iki ikyêne kili, ukukînda ukufwala ilidiresi?” Kangi alinkuti, “Kêta, une ngwitoga ukufika mfyamba na balumiana akabalilo kako abene bikufyuka uku tima i ng’ombe, kangi,” alinkuti, “Une ngufikamo mmabuyo aga gîswîle-ni-mbwêle.” Alinkuti, “Lilino, ni—ni lidiresi mfwele, isyêne sibagile ukundya une môsa. Na ba ovarolo isyêne sitikundamia une.”

¹²² Une ndinkûti, “Ikyo kyo kyâkusululuka ukukînda u mpôsyâ ugu gutêndekîgwe ukufuma ku nsyûngûlu gwa nguku iyi yâfwaga ni njala. Kisa! Ilyene likaya nalyo i Lisyu limolyene lya Kyala ukufwana ni lyene. Ilyo lyo linogono lyînu.”

¹²³ Kyala âyobîle, “Unko ilisyu lililyôsa liyege busyôbi, kangi i Lyâke liyege lyabwanaloli.” Unkasi gwângu ikufwala ilidiresi. Umwene ikwâpa mu ngunda. Umwene akaya nu lutamio lwa ikylene. Kangi, mulimosa, unkikulu akaya ni mbombo nayimo ni kipâmbo kya banyâmbâla panja pala, ukutîma ing’ombe,

mulimosa. Umwene abagisenie ukuya mu bupiyilo kuko umwene ko kwāke. Uko ko kotalusya.

124 Abēne itolo bikugela ukwāga ululēyelo, lōli lukayapo nalumo. Iiisyu lya Kyala lyo lili pabwelu, kangi u nkikulu uyu apapigwe mwa Mbepo gwa Kyala isa . . . Kangi unnyambala uyu apapigwe mwa Mbepo gwa Kyala atisakumwitikisya unkasi gwake ukubomba bo lula. Ngimba Umwene aayobile fiki? “Umwene uyu ikutumula inywili, ikuywelula untu gwake.” Kangi undume yo ntu gwake. Umwene yo nkosyasoni.

125 Une kinunupo nīgalege. Umma ndaga. Lilino, muketile, muketile, ikyo kyo kifwene. Ugwe umenye iki une nguyobelapo.

126 Une ndikuyoba ikyo ukwisila mu kabini. Linga une nguyoba ikyo ukwisila nkabini, Kyala yaga ni kisa pa ndumbula yangu iyabonangi; unko une mfike pasi apa pa kigemo iki, pinduka.

127 Une nguyoba ikyene panongwa yakuti, binangu, une mbaganile umwe. Kangi une ngugela ukubabula umwe iki kyo bwanaloli, kangi ilyo lyo Lisyu lya Kyala. Uswe tukufimbilisigwa ukupilika i Lisyu lya Kyala ilinini, ukupimila ku Lisyu. Uswe tukubūka ukukīndamo akabalilo ka kugela. Haleluya!

128 Ngimba umwe musyagenie ukuti ukufuma akabalilo kākugeligwa kala kakwisa, ubumanyisi bula ubwa mwanundumiana yula uyu āpāpīgwe mu kikolo kyākipāngakipāgūke? Linga umwēne ālikasisye ulugelo kangi āsyēle nu bwīgāne bwa tāta, polelo u ndumiana yula āsosigwēmo pānja kangi umwene āfwīkīgwe u mwenda, kangi polelo lulipo ulusekelo luyobigwe. Kangi undumiana yula ābīkīgwāga akabalilo kala nkikolo ku iki umwēne āpāpīgwēmo.

129 Ikyo kyo iki kitamisye na Bakipentekosti bītu umwīsyūgu. Abēne itolo bikunyēla *apa* kangi *pala*, kangi ifipānganio fyītu fyābagīle ukubakwābīla abēne injila *iyi* kangi injila *yila*. Abene batikusyala ni Lisyu.

130 Linga ugwe kwitugasyaga ni Lisyu, polelo Kyala, ukuketa, “Linga ugwe kwitugasya mwa Une, kangi i Lisyu Lyangu mwa ugwe,” Lyake, Umwene akabagila ukulikana Ilyene, Ilyene lyo Lisyu Lyake. Polelo kwisakuyangako akabalilo, akabalilo kamo, akabalilo kāko ugwe kusōsigwa panja nukubīkīgwa pa lubafu, nu kupepigwa ikindukimo iki kyo kyabwanaloli, haleluya, amaka ga Kyala Mwenemaka.

131 Iki, Kyala ikugulila ku bana Bake, loli abene itolo batisakugoloka, akabalilo kako abene bikwisa ku kabalilo kakugeligwa kala. Ngimba umwe mwisakwitikisya ikyene? “Ena, ikipanga kisakumbikaga une panja.” Umma ndaga. Mwaketa lelo umwe. Polelo, bukaga. Ulo lo lukaya Luyungu lwa Abrahamu mma. Uluyungu lwa Abrahamu lutikubomba bo ulo mma.

132 Luyungu lwa Abrahamu! Lilino, une ndikupasya iki kikwisa ukukanikana na Abrahamu, umwene alimile palapala ni Lisyu lya lufingo, itolo alimile palapala ni kyene. Kali Sarah ikwisa, abangi aba bikwisa, abakindane bala ukwisa, kilikyosa, umwene älyégile icyene ukuya ngati icyene kikāli mma. Umwene aaketile, umwene aalitike ukuti umwene abagile ukuketa ulufingo, panongwa yakuti Kyalala aafingile icyene ku mwene, kangi ifyo fyo fyosa fyatigi fyalipo ku kyene. Iyene lyali Lisyu lya Kyalala, lyasyele palapala mwa mwene.

133 Polelo Umwēne alinkumpa umwēne ulugelo ulwabumalikisyo lula. “Une nisakumpa umwēne akayabo kapabili, kangi nukungela umwēne.” Lilino, umwēne atalile ali nayo u mwanundumiana. Umwēne ikukēta umwēne ali nakyo ikyo. “Lōli lilino une nisakukumbūla umwēne, ‘Ega u mwānundumiana yula kangi gōga akēne.’ Kangi unko u mwanundumiana yula, akabalilo kako umwene ikukēta... Ngimba umwene isakungoga u mwanundumiana yula? Une nisakugelaga umwene lilino.”

134 Abraham, gwabwanaloli ku Lisyu! Bulebule, akabalilo kako ugwe kwambilila ulufingo, ugwe kwimikaga bulebule ikindu?

135 “Ngimba—bulebule ugwe ku—ugwe kugūlīla bulebule ukuya tāta gwa fikolo, kangi apa ugwe uli ni fyinja mia yumo na kalongo na fihano mbukusi lilino?” Unnini Isaki, kifuki ifyinja kalongo na mana, ifyinja kalongo na fihano mbukusi. “Ugwe kuyaga bulebule tāta gwa fikolo akabalilo kākō ugwe uli ni fyinja mia yumo na kalongo-na-fihano mbukusi, apa alipo u mwāna gwako mwene, kangi ugwe kubongotola u buketa bwako bwene ubu ugwe uli nabo?” Ameni.

136 “Ngimba une nguyaga pakukitēndēka icyēne bulebule linga une ngusōkāpo pa kipānganio kyāngu? Ngimba une nguyaga bulebule ukutēndēka icyēne linga une ngubōmba *iki*?” O, pilikisya ku kala a Kasyu akanīni kangi isa ku Lisyu, i Lisyu.

137 Ugwe kuyoba, “Une ndinkupilika amasyu gikumbula une *iki*.” Linga icyene kikingene ni Lisyu, icyene kikāli Masyu ga Kyalala. A Masyu ga Kyalala gikufumila ku Lisyu.

138 Polelo Abrahamu alinkwenda kulakula kula ku Masyu, kangi agakimyemye, a Masyu ga Kyalala amanini, ku Lisyu lya Kyalala, ikufimbilisigwa ukwega u bumi bwa mwanundumiana gwake mwene.

139 Umwene alinkuti, “Imika ikiboko kyako, Abrahamu. Une mmenye ugwe unganile Une lilino. Kangi bosa bala ukufuma kwa ugwe, haleluya, bosa bala aba bikufuma kwa ugwe, aba bītendekisye ukwega i Lisyu Lyangu, icyēne kisakuyaga Luyūngu lwāko, kangi pala umwēne isakupoka ikipata kya ndugu.”

¹⁴⁰ Ngunyonywa une nābagile ukuya na kabalilo ukubabūla umwe ikindukimo iki kyābonīke amasiku manandi aga gakīndīle, muketile, ifya iki kyābonike pa buyo. O, mwe!

¹⁴¹ “Isakupokaga ikipata kya ndugu; u Luyungu lwako ukufuma pa ugwe. Abraham, uyu ikukusaya ugwe isakusayīgwa, kangi yūyo ikugūna ugwe isakugunigwāga.” Yeso āyobile, “Ikyēne kyo kinunupo kuli ilibwe-lyākusyila ukutulikigwa ku likosi lyāko, kangi ukumila mu busolofu bwa sūmbi.”

¹⁴² Kangi ifipāngānio ifi ifi fikusanusya pānja aba abanyāmbāla abanyakyāla, panongwa yakuti abene begile ukwima ku Bwanaloli, i Lisyu, kangi u Mbepo na maka ga Kyala, nukwitugasya ni Lisyu, ugwe kukéta iki kyābonīke? Ugwe umisīgwe mwa sūmbi gwa bwībwe.

¹⁴³ “Kinunupo ibwe lyapinyigwe mmakosi gako, nukumilwa mbusolofu bwa nyanja, ukukīnda nukusāmbūla abanīni ukukīnda ba aba abapakigwe Bala.” Ngimba abēne bo fiki? Uluyungu lwa Abraham lukusyāla ni Lisyu lya lufingo.

¹⁴⁴ Fimo mwa fipanga fyitu fikufika ku buyo ifyene fikukana, abene bikukana ububumbulusyo Bwakyala, abene batikulonda ikyene nkipanga kyabo kangi mma. Uko ko kutalusya. Ifipāngānio fyītu ifya Kipentekosti fitikulōnda kangi mma ububūmbulusyo Bwamwakyala. Ngimba ikyene kyo fiki? Ngimba umwe mutikuketa mumo u mōhési abobile? Umwēne afīkile ukusyūngutīla pala kangi ayobile ifīndu fyabusyōbi mula bo lula. Kangi itolo abanyāmbāla abamahala bikwīnogōna abēne bo bamwāmbēpo, kangi kēta ku ikyo, kangi bikuyoba, “Kéta ku kimo *kila*. Kéta ku kimo *kila*.” Une ndikukikéta kila.

¹⁴⁵ Linga ugwe gwe Luyungu lwa Abrahamu, ugwe kuketaga ku lufingo lwa Kyala, iki Kyala aayobile ukubombapo pa ikyene. Ikyo kyo kyene. Luyungu lwa Abrahamu, uswe tukukéta ku lufingo. Une ndikupāsya balinga bikugwīla injila *iyi* kangi balinga bikugwa injila *yila*. U lufingo lukusyāla lwābwānalōli.

¹⁴⁶ Ugwe kufimbilisigwa ukwisa ukukinda mu ngelo sila. Muketile? Ena. Abrahamu, ikyākwānda āgelīgwe, kangi polelo alinkufūngīgwa, polelo āpēgīgwe u lufīngo ukuti “u Luyūngu lwāke lukufimbilisigwa ukupoka ikipata kya ndugu.” Une nkiganile ikyo. Polelo, abene baapokile ifipata fya ndugu gwabo ukufuma pakugeligwa.

¹⁴⁷ Ikindu kya ikyene kyo, uswe tukabagila ukwima u kugeligwa. Iyo yo nongwa ukuti ifipāngānio fyītu fikabagīla ukwīma ulugelo. Ikyēne kikaya bwīgāne bwa Kyala. Ikyēne kyo, Kyala asayile ikyēne, lōli ikyēne kikaya bwīgāne bwa Kyala. Panongwa yakuti, muketile, umwe muli ni bubīkisye bōsa bwa banyāmbāla apa ni kilūndilo kyōsa kya fūndo, kangi abēne bikubūngānio isyēne palikimo nu kusōka pānja ni kinunu-ukikīnda abēne babagīle. Bamo mwa bene bikuyoba, “Uyu yo nyambala unyamu. Ugwe ukabagila ukukana i lisyu lyake.”

Ena, iyo yo njila yilayila i kipanga kya Katolika kipāgwike, ikindu kilakila, pa kipambo kya bitiki bamahala. Abamahala, abēne bikukēta ku kyēne, bikwīsibisya ikyēne nu tubalilo. Ugwe ukabagila ukubomba ikyo. Kilikyosa ikingi kyo butungulu loli i Lisyu lya Kyala.

148 Abraham akākētīlēmō siku ikindu kimokyēne lōli ulufingo lwa Kyala. Kisitakupāsyā iki kyāli, umwēne āsyēle nu lufingo lwa Kyala.

149 Polelo iyo yo nongwa uswe tutikukwāga fīngipo. Ikipānganio kikabagila ukupoka ikipata kya ndugu. Galipo aminogono amatoyofu mingi fiyo nkati mula.

150 Kufimbilisigwa ukwēga u mūndu pamwēne, uyu ikipoka ikipata kya ndugu. Ugwe ubagile ukubōmba ikyēne linga ugwe kulonda. Ena, nkulumba.

151 Unko uswe tugēle a maminiti manandi, tukete linga abene bikusyala mu Lisimbo.

152 Lilino, kālīpo akabalilo pāsi mu Babeloni akabalilo kāko kyālipo i—i kifwani kyālitūgēsye, kifuki kyakwēgeléla ikya kipanga kya Katolika, kangi bōba aba bakafugēme pāsi ku kifwāni kila āngāli bikōkigwāga mu ng’anjo ya moto. Lilino, ikyēne kyāli kibonekesyo, kali abēne bayaga pakwītūgāsya, akabalilo kāko Kyala āyobīle, “Ugwe ulingisa kuya nabo abakyla abangi pankyeni pa Une, pamo ukutendeka ikifwani kilikyosa.” Ikyo kyo iki Kyala āyobīle. Ukubonekela kwālisile.

153 Bosa abangi ba Israeli balinkugwa mulamula nkati. Kangi akabalilo kāko ingangabwīte yākubile, kangi i—kangi i nyīmbo syākubile, kangi i—kangi i lilōnge lyālilile, fiki, abēne bōsa balinkugwa pāsi pankyēni pa kifwāni iki.

154 Loli balipo batatu ba abene aba bātīle, “Nakimo ikyakubomba.” Abene bapilike kala akakimyemye a Kasyu akanini, kangi abene baalitugesye ndukindi ni Lisyu. Ngimba abene baabombile fiki? Bālimile ni Lisyu.

155 Kangi ukufuma pala, abene—abene balinkuti, “Linga umwe mutikubōmba ikyēne. . .Uswe twisakubapa umwe ulusako ulungi, pamo uswe twisakubasopa umwe mu ng’anjo ya moto.”

156 Alinkuti, “Kyala gwītu abagīle ukutuponesya uswe ukufuma mu ng’anjo ya moto.” [Ubuyo busitakandu pa tepi—Nsimbi.] “Loli, palema iki, uswe twisakwitugasya ni Lisyu.”

157 Lilino, nkundwe, ngimba bule ugwe? “Ngimba une ngubombaga fiki, Nkundwe Branham?” Syala ni Lisyu. Syala nu lufingo. “Ikipanga kyangu kyosa kisakusōka ukufuma kwa une.” Syala nu lufingo. Abene bikufimbilisigwa ukusima, itolo ukubuka ilisiku limo, mulimosa. Loli, Kyala atisa. Syala nu lufingo. “Ena, une ngukubula ugwe, abene bisakungagaga une panja.” Syala nu lufingo, itolo lulalula. Ugwe ima palapala

nu lufingo. Lilino, linga ugwe ubagile ukwitugasya nu lufingo nukwitugasya kula, syāla palapala na bēne akabalilo kala.

¹⁵⁸ Lilanila na aligwēsa. Loli lilino apa, lilino, ugwe utisakukabamo siku injila iyingi loli kulubafu lwa kulilanila na aligwesa. Ugwe kufimbilisigwa. Lilino, akabalilo kāko abēne bikufika ububibi fiyo, abēne bo ba bo bahuni, polelo syāla kubutali ukufuma ku kyēne. Uko ko kotalusya. Komma ukwisa pa buyo bwa ndugu. Lōli akabalilo kōsa ugwe kugela ukukaba unkundwe gwāko, ikyo kyo kikīndēne. Muketile?

¹⁵⁹ Lilino kētēsya, lōli ugwe utisakukabamo siku aminogono ga kipāngānio, u mūndu yumoywene, umma, nkulumba, akabalilo kāko, abēne bākagile ubulagili bwābo bubikigwe, “Uswe tukwitika *iki*,” mmalanōngwa. Linga ugwe kusimbaga ikimanyisyo kyako, “Uswe tukwitika *iki*,” nkīndilisanōngwa, ikyene kikuyaga kikindane. U mmalanōngwa ikusanusya, “Uswe tukwitika *iki*, kangi ugwe kufimbilisigwa ukwisa ku *iki* kangi ikimanyilo iki, pamo ikyo kyo kyene.”

¹⁶⁰ Loli linga ugwe kuyoba, “Uswe tukwitika *iki*,” nkīndilisanōngwa, “ukongelelapo nu bwingi bwa mumo uswe tubagile ukumanyila ukufuma kwa Kyala. Uswe tukwiguka kwa Mbepo Mwikemo,” polelo ugwe kukīndilila nkyēni, nkundwe. Ena. Ikyo kikuyaga kikindane lilino.

¹⁶¹ Lōli, umwe muketile, linga umwe mukibikile ikyēne kišimbigwe na mmalanōngwa, kangi Kyala ikupa ikindukimo ikīngi kikwisa mmwanya, ikyēne kikusisimikisya ukuya Lisyu Lyāke, u Bwānalōli, ugwe ukabagila ukusema, panongwa yakuti ikyēne kyo “mmalanōngwa.” Ikyo kikumalisya ikyēne. Apo po pāpo aba Luteri bāfwile. Apo po pāpo aba Methodisti bāfwile. Apo po pāpo aba Baptisti bāfwile. Apo po pāpo aba Presbeteri bāfwile. Kangi apo po pāpo abaPentekosti bikufwa. Uko ko kotalusya. Uko ko kotalusya. Abene bikufwa palapala pala, kēta itolo, nongwa yakuti ikyene kyo—ikyene kitalile kisimbigwe mosa. Kikayapo nakimo iki ugwe—ugwe ubagile ukongelēla ku kyēne pamo ukwēga ukufuma ku kyēne. Ikyēne kyo—ikyēne kili pala. Ikyo kyo kimanyisyo kyāko.

¹⁶² Luteri akābagile ukwitikisya ukukemesigwe. Umma, nkulumba. Umwene ābombile āyobile, “Abagolofu bikuyaga nu būmi nu lwītiko.” Komma Martin Luteri; lōli ikibugutila kila kyānkōngile umwēne. Uko ko kotalusya.

¹⁶³ Komma Yohani Wesley; loli ikibugutila iki kyānkongesyaga umwene. Uko ko kotalusya.

Komma Calvin; loli ikibugutila iki kyānkongesīsyē umwene.

¹⁶⁴ Komma Yohani Smith ugwa kipanga kya Baptisti, uyu aliputile fiyo, pa kabalilo ka nkilo, mpaka amaso gake galigēle mbwīsule, panongwa ya kipanga kyake; kangi unkasi gwake alinkufimbilisigwa ukundongosya umwene panja nukundyesa umwene pala ni supuni, ku kigemo. Komma umwēne; lōli

ikipāmbō iki ikya baBaptisti aba bikunkōnga umwēne, ikipāngānio iki kikwisa kunyuma kwa umwēne.

Komma Alexander Campbell; lōli bala bābo bālinkōngile umwene.

¹⁶⁵ Komma ubugute bwa kipentekosti ku bwāndilo, bābo bāli ni findu fyōsa pamopēne, kangi balinkulilanila na aligwēsa; loli ifibugutila ifi fikwisa nukuyoba, “Umma. Uswe twe *iki*, kangi uswe twe *iki*. Kangi *isi* syo inongwa, kangi ikyo kyo ikyo!” (“Ukwipāgūla bēne, mbubonekelo kisita kuya nu Lwītiko.”) Kutalusya. Ikyo kyo iki kyābōmbile ikyēne. Apo kilipo ikindu ikibibi. Amenī. Une ngwipilika mwiputi, ulubunju ulu.

¹⁶⁶ Abana ba kiHiburi, bo abene baalimile ulugelo, kali abene babagile ukusyala ku Lisyu lya lufingo, pamo mma, abene babikigwaga ku kugeligwa. Kangi ngimba abene babombile fiki? Abene bāpokile ikipata kya ndugu. Amenī. Fiki? Abene bāsyele pa Lisyu.

Ima ni Lisyu, i Lisyu lya Kyala ili likuyoba kwa ugwe.

¹⁶⁷ Lilino, inongwa yosa yayobile, “Lilino, kēta. Babuloni, ikyene kitikuyaga kikindane. Panongwa yakuti, uswe, akabalilo kako uswe tukwinama pankyeni pa kifwani iki, uswe tukwiputa Kyala, mu njila yiliyosa. Ena, linga uswe tukubōmbēla ikyēne injila *iyi*, uswe tukusanusya ikyēne injila *iyi*.”

Bomba ikyene injila iyi Kyala áyobile.

¹⁶⁸ Bule linga Kyala aayobile, “Mōse, fula ifilato fyako, Mōse. Ugwe uli pa mfu mwikemo.”

¹⁶⁹ Umwene ikuyoba, “Ndaga Ugwe, Ntwa. Une naloliloli ngwitika mwa Ugwe. Une ngufūlaga itolo ikitili kyangu, mbuyo bwake. Ulwēne lo lutamio lwīngi ukwābūla ikilato kyāngu.” Uuhuu. Huu! Ikyēne āngāli kitikubōmbāmo siku.

Umwēne alinkuti, “Ikilato.” Umwēne akāyobīle “ikitili.” Kutalusya.

¹⁷⁰ Ugwe kufimbilisigwa ukwisa, ukwigolosya nu lukindi, iki Kyala ikuyoba, kangi nukugoloka ni Lisyu Lyake.

¹⁷¹ Lilino, bo abene bāli nalo ulugelo, abene balinkupoka ikipata kya ndugu. Abēne bāsyāgénie, akabalilo kākō abēne bābūkīle palapala pāsi ku bumalikisyo, ukwitugasyaga pa Lisyu lya Kyala, abene baapokile ikipata. Uko ko kutalusya. Ukufuma. . .

¹⁷² Danieli. Bwālipo ubufumusye bwābūkīle panja, kangi bwāsainigwe na baMedes-o-Persia, ubu bukābagile ukwanduligwa, ukuti, “Linga aligwesa ipūtāga kwa kyala aligwesa uyungi, unko umwene asōpīgwe mu mbako ya ngalamu.” Kangi Danieli āménye ukuti i Lisyu lya Kyala lyāli, ukummwiputīla Umwēne mwēne itolo, ukuti umwēne āligwīle amadirisha nu kwīpūta mulimosa. Lilino, umwēne

akāgomokilēmo siku mu nguto. Umwēne āligwīle amadirisha ku tempeli. Umwēne akāli ni soni pa kyēne.

173 Kangi uswe tutukulōnda ukubombelapo ubwīpūti bwītu pa Ndungu, kangi Kilēmbélo ukubōmba ikindukimo ikīngi. Pamo, ukwītika mu ndumbula syitu ikindu kimokyene, ukwisa pankyēni pa munduyumo uyungi nukuyoba, “Ena, une ngamanya. Ena, une ngwinogona ugwe uli ntalusye.” Yaga iki ugwe guli. Ugwe ukaya, sokapo pa kigemo, soka panja pa kipanga. Uko ko kutalusya. Nongwa yakuti, ugwe gwe gwakumeligwa ku fyōsa-fibili. Syāla iki ugwe uli. Yoba iki ugwe kwitika, polelo ugwe ukaya nakyō nakimo ikyakubika ku nyuma ukufumako. Ugwe gwīmīle itolo katikati iki kyo kyābwānalōli. Aligwēsa ikumanya ilāngi syāko. Abāndu bisakukupālisya ugwe, u mūndu aligwēsa.

174 U nkīkūlu abagīle ukuya nnyāli bo mūmo bōsa bikusōkēla-pānja. Umwēne abagīle ukuya nywāmu, ntupano, nnīni, mugānde, ntītu-nywīli, gwāmāso-galyūngu, gwāmāso-gābluu, gwāmāso-mafubifu; yimo, injila yimo, kangi yumo ikīngi. Loli linga unkikulu yula yo mwīfyūsi, nkikulu, akayapo unnyambala nkisu loli uyu angali asosisyepo ikitili kyake ku bene, umwēne alinako akasito kamo ka nnyāmbāla mwa mwēne. Kutalusya. Panongwa yakuti, umwēne—umwēne ikutwāla iki umwēne ali, kangi abanyāmbāla bikupālisya ikyēne.

175 Popāpo Kyala isakupālisya u nnyāmbāla uyu isakuya iki umwēne ali, pamo abanyāmbāla aba bikwiyobela i Kikristi. Unko uswe tuyege Bakristi, bisusigwa na Mbepo Mwikemo, ni Lisyu lya Kyala, pamo ukwībwa isya ikyene. Kutalusya. Panongwa yakuti, mu njila iyingi, ugwe kuya nsyobi, kangi ukwitugasya ubumi ubukindane. Kangi abāndu bikukubona ugwe kubopa panja apa ku fimogo, nu kukwesa, ni findu bo ifyo, nukwitufya ukuya Nkristi, polelo, muketile, ugwe kubīke ibwe lyakwitabania mu njila ya bāngi.

176 Muketile umwe bakīkulu, utubalilo tumo, mūmo abēne bikutumula i nywīli syābo nukufwāla nu kubōmbela mu myēnda ifi iminini igyaiyolo bafwele, bikuboneka ngati i kipūtilo ikikubuligwe-mōsa pamo ikindukimo, kangi ukubūka pānja pa lukīndi, bikwēndendeka ukusyūngutila, kangi ifitēnde ubutali bo *ulo*, bikunyātūka ukusuluka u lukīndi. Ngimba ikyo kipentekosti? Polelo i—i fipanga ifingi fikuyoba, “Abene bikwiyobela ukuti abene balinakyo i kindukimo iki abene bakaya nakyō.”

177 Ugwe ufūngigwe nukung’walīgwa na Mbepo Mwikemo. Ugwe ukaya mu kiyumba ikilo iki nu kufugatiligwa mōsa mmaboko ga nnyambala yumo, uyu akaya ndumego; ikilo ikinine, nu kugomokela ku kipānga nu kumoga ubuyo ukukilania bōsa. Ikyo kikaya kya pentekosti. Ikyo kyo busyobi. Ikyo kyo kinyanyasi.

178 Une ngaya fiyo nguyoba ikyēne kwa ugwe. Loli, umwe mukusyagania, amatepi aga aga gikutēndekígwa apa gikubuka ukukilania ikĩsu, popāpo une itolo ngulūmbilīla ngati ikyēne kyo ku kĩsu kyōsa. Akabalilo kako une ngwipilika Kyala ikuyoba, “Yoba ikindukimo,” une itolo nguyoba ikyene, panongwa yakuti une ngamanya kũko ikyene kikubukaga. Ikyo kyo kili kwa Umwene ukupakikisya ikyo. Yaga itolo ni Lisyu. Uko ko kutalusya. Umma ndaga.

179 Umma, Danieli akābagīle ukwinama pāsi ku bufumusye bwābo, kali umwēne āsōpīgwe ukufuma ku kipānganio pamo mma. Umwene alimile palapala pa libwindo, kangi alinkusyala ni Lisyu lya Kyala. Umwene akaali ni soni pa Kyene.

180 Ngimba kyabonike kyo fiki? Abēne bālinsōpīle umwēne mu mbako ya ngalamu, lōli umwēne āpokile ifipata fya mbako ya ngalamu. Fiki? Lwimiko! Panongwa yakuti Kyala aayobile iyāke. . . “Uluyungu Lwako lwisakupoka ikipata kya ndugu.” Kali yo ndugu nki, ugwe uli nakyo ikipata. O, ko kabalilo kalinga aka uswe. . . ?

181 Kéta kwa Mōse, ikukonga mu lukindi lwa ngomelesyo sya Kyala, ābukile kula ku Igupto, kyābonike ngati kilikyōsa kyāli kyakukanikana. Umwēne āli nabo abēgeleli aba bābūkile nu mwēne. Umwene alinkubuka kula na fibili fya—ifya fimanyilo, ukunangisya ukuti umwene ātumigwe. Āsopīle pāsi i liyoka, na fyōsa bo ifyo.

182 Kangi apa bikwīsa abēgeleli mula, balinkusopa isyābo pāsi. Ngimba umwene abagile ukubomba fiki? Nakimo. Kyala akālimbulilēmo umwene abene bayaga pakubomba ikyo. Umwene ālondaga ukungela Mōse. Umwene aali yo Yuyo Uyu alimmwitikiisye Yanesi na Yambresi ukusopa pasi imiyoka, pamo ingili syabo.

183 Polelo pala palinkwima Mōse mu lukindi lwa mbombo. Alinkusopa pasi ingili yake. Iyene yilinkusanusya njoka. Umwene alinkuti, “Kéta ku kila, Farao. Ikyo kyo iki u Ntwa gwangu ālimbulile une ukwisa, ukubomba pankyeni pa ugwe.”

184 Farao alinkuti, “Isaga kuno, Yambure na Yanesi.” Abēne balinkusopa ingili syābo pāsi. Isyēne silinkwānduka ukuya njoka, iki Mōsa ābōmbile.

185 Ngimba i kisyo kyake kyāli kikesefu? Umma, nkulumba. Umwene akaali aalimmwitike Kyala alintumile umwene. Umwene alimile nu lufingo lula. Kangi fiki fyabonike?

186 Apo po pāpo ugwe guli pankyeni pa simo sya ngomano syāko. Ikisyo kyako kibagile ukusanusya kikesefu, pakayabo kanini. Itugasya ga ni Lisyu.

187 Ngimba fiki fyābonike? Akabalilo kamokene, uyu unywāmu u kīko gwa Mōse alinkwīsa ukusyūngutila nu kumila isyēne lōsa. Kyala asisimikisigwe. Ukufuma pa lugelo lwake, umwene

alinkuti, “Une ngulonda ugwe, ukwisila mu kika iki, ukubaleka abene babukege panja kula. Une ngulōnda ugwe ukubatuma abēne ukugomokela ku kāya, kūko abēne babagile ukuya. Kyala āndumile une ukusuluka kuno ukukubūla, ālindumile une ukusuluka kuno ukubaponesya abēne. Une ngulonda abēne ukugomokéla.” Umwēne ākisōpīle ikyo pāsi pala.

¹⁸⁸ O, u lugelo lukwīsa. Mōse, ngimba ugwe kubōmbaga fiki, syūmbutuka ukusyūngutila, sōkapo, yoba, “Ena, une lumo nāli nsobi”? Umma, nkulumba.

Mōse ālīmīle palapala pala, “Kyala atumwīle iki.” Lwimiko!

¹⁸⁹ Kyala ikuyoba kalikosa, syala ni Kyene. Kali kyo kiliku iki kikuboneka, itugasya ni Kyene. Linga abene bikukubika ugwe panja nukuyoba, “Uswe tutikupilikikisania, tutisa kubomba *iki*,” syalaga ni Kyene.

¹⁹⁰ Mose alimile palapala ni kyene. Fiki fyabonike? Umwene apokile ikipata kya ndugu. Haleluya. U mōhesi alinkuyoba, “Une nisakubālulāga u Sumbi Umfwāno pankyēni pa ugwe,” lōli ikyēne kilinkwīgūka mōsa. Abene balinkutoligwa ukubimika abene mu Igupti kangi mma. Umwene apokile ikipata kya ndugu. Fiki? Panongwa yakuti umwene asyele nu butumigwe Kyala ampele umwene. Ingomelesyo sya Kyala, umwene alimile ni Lisyu lya Kyala kangi umwene aapokile ifipata fya ndugu.

¹⁹¹ Yoshua, ukufuma pápo umwene ākindilemo mu lugelo. Umwene aali pasi pala, lumo, ālyōgelile ukukilania Yorodani, umwene na Kalebū, na batendeli. Akabalilo kako umwene ikugomokela ukufuma ku Yorodani, abene balinkufika pa Kadesh-Baraneya. Kangi bosa ba abene balinkuti, “O, linga uswe tukwanda, ikyo kisakubongotolaga ifipanganio fyitu ku tupātu. Uswe tukabagila itolo ukwingila nkati.”

¹⁹² U mbepo yula atikufwa mma. “O, uswe tukabagila ukuya na Ikyo. Linga uswe tukumanyisya Ikyo ku bandu bitu, ngimba uswe tukubombaga fiki? Uswe tubagile ukwega kifuki sinda gwa diakoni, nkipanga, panja. Abene begi kabili, katatu kosa. Ngimba uswe twisakubombaga fiki? Uswe, fiki, linga uswe twāyobile abakikulu bitu aba abene bafimbilisigwaga ukufwala inwili indali, umwe mumenye iki abene bikubombaga? Abēne bābagile ukuleka i kipānga. Kangi fyo fiki āngali uswe tukubōmba? Fiki, uswe āngali tukwēgigwa itolo ukuya banjila syaiyolo.” Yeso āli gwa njila-syaiyolo, yōpe. “Uswe tukabagila ukubomba ikyo. Uswe tukabagila ukubomba ikyo. Ikyene kyo fingi fiyo kwa uswe.”

¹⁹³ Umwe mumenye iki u mwitiki ugwa mpaka ikufika. Bahiburi, untu gwa 6, ukulīngānia ikyo. “Umwēne uyu akabalilo kamo āmulikīgwe, atēndekīgwe balilanisi ba Mbepo Mwikemo, polelo ukugwa panja, ukwiandusya mwene kangi.” Umwēne ālisile ku lukīndi lwa mpaka lula nu kukāna ukubūka ukukilania, ikyo kyo ikyēne, alinkukāna ukwītika lōsa.

194 Panongwa yakuti, Kalebu bābōmbāga fiki? Ngimba Yoshua ābōmbile fiki? Umwēne alinkuti, “Uswe tuli bakīnda babagili ukwēga ikyēne.” Fiki? Abene basyele na iki Kyala āfingīle.

195 Fiki, abene balinkuti, bala abangi bātīle, “Ena, abene bo batali. Abene bali na kibumba kyosa nkati. Abene bo injila *iyi*. Fiki, uswe tukabagila ukubapalamasya abene, mu njila nayimo.”

196 Yoshua alinkuti, “Uswe tuli bakīnde ukuya babagilano ukubōmba ikyēne. Batama, umwe bāndu! Kiba! Itūgasya pāsi!” Amenī.

197 Une ngubabula umwe, ulwitiko lo luli mu kindu kikulumba ikikywāmu, akabalilo kako ulwene lukwisa pa Lisyu lya Kyala. Umwene akaya nulutende akabalilo kala. Lwitiko luli ni nywīli pa kipāmbāga, ingōngi inywāmu. Ulwēne lukuyoba, “Kiba mōsa!” Kilikyosa ikingi kikwībwalāla ku nguto, uko ko kutalusya, akabalilo kako Kyala ikuyoba. “Ugwe kwitugasya mwa Une, kangī a Masyu Gangu mwa ugwe, yoba iki ugwe kulonda.” Mwaketa lelo umwe. O, une nkiganile ikyo. Hum!

Abōhesi bisakutetema, kangī abōnāngi
bisakusumuka;
Lwītiko mwa Yehova kisa kalikōsa
ukusenyendeka.

198 Ngimba ugwe ubagile bulebule ukuya nu lwītīko akabalilo kāko ugwe umenye ugwe ukayabōmbāga, ukwēnda mu Lisyu Lyāke, akabalilo kako ugwe umenye filipo ifindu kula ifi ugwe kufimbilisigwa ukuyoba kangī ugwe utikuyoba ikyene? Filipo ifindu kula ugwe ubagile ukumanyisya kangī ugwe utikukimanyisya ikyene. Filipo ifindu kula ifi ugwe ukabagila ukuyoba, kangī ugwe ubagile ukuya nu lwītīko akabalilo kāko ugwe umenye ugwe uli nsobi?

199 “Linga indumbula syītu sikututobesya uswe mma.” Mwaketa lelo umwe. Mwaketa lelo umwe. Loli syala ni Lisyu lila, kuko kikayapo nakimo ikitāgigwe. “Bukayapo nabumo ubutobesye kwa bene aba bali mwa Kristi Yeso, aba batikwenda ukukongesya umbili’mma loli bikukoongesya Mbepo.” U Mbepo ikulongosya ni Lisyu, panongwa yakuti u Mbepo abagile itolo ukwisa ukufuma ku Lisyu, panongwa yakuti i Lisyu Lyake lya Mbepo. Kangī Ikyene kibagile itolo... U Mbepo ugwanaloli ugwa Kyala abagile ukuyoba itolo i Lisyu lya Kyala. O, mwe! Mwe, mwe!

Sōkapo apa, kīsu. Sētāno, tuleka uswe.

200 Komma ukutila ukuyoba ku kyāmba iki, “Samisigwaga.” Yoba ikyēne. Syāla pala, kētésya umwēne ikubongotoka. Uko ko kutalusya.

201 Lōli ugwe uli nu butobesigwe bulibōsa pala, ugwe kinunupo—kinunupo kiba. Ugwe gwe itolo kuyobayoba polelo.

Ugwe utikuyoba u bwanaloli. Ugwe utikuyoba ifindu ifi ugwe ubagile ukuyoba. Umma ndaga.

²⁰² Uswe tukusyāgānia polelo u Yoshua, ukufuma pāpo umwēne ābūkīle ukukīnda ulugelo lula, umwēne ākētīle ubusisimikisi bwa kīsu ikinunu, kangī umwene ālimile pala pa Kadesh-Baraneya nu kwilumbusya ukulwana na bosa ba abene, kangī alinkuti, “Uswe tuli bakukīnda ukubagila ukwēga ikyēne. Uswe tubagile ukwēga ikyēne.” Ngimba i fūndo yāli fiki? Loboka kilania.

²⁰³ Ngimba ifundo ya Mōse yāli fiki? “Nāngīsyā ikimanyilo iki nukutwāla abāna panja.” Kangī kyābonekaga ngati ikyēne kyātōlīgwe. Lōli umwēne ālitūgēsye ni Līsyu, kangī ikipata kya Sumbi Mfwe kikabagile ukunkola umwēne. Umwene alinkubuka mulamula ukukinda mu kyene. Umwene alinkupoka ikipata kya ndugu.

²⁰⁴ Yoshua, ikuketa ku lufingo lwa Kyala, alinkuti, “Uswe tukundile pakubagila ukukyega ikyene.” Uko ko kutalusya. Kangī akabalilo kako umwene ikwisa pāsi ku Yorodani, ngimba umwene ābombīle fiki? Umwene apele injila. Amenī. Ikyo kyo kyene. Umwēne āpokile ikipata kya ndugu. U Yorodani yula ānkyūnga umwēne kunyuma ukufuma kukubūka ukukilania nu kwakwēga u lufīngo lula. Lōli akabalilo kāko umwēne āfikīle pāsi pala, umwēne āli yo Luyūngu lwa Abraham. Fiki? Umwene ālitīke mu Līsyu lya Kyala. Iyo yo njila yene ugwe ubagile ukuya Luyungu lwa Abraham, ko kwitika i Līsyu lya Kyala. Kangī polelo ngimba umwene abombīle fiki akabalilo kako umwene isege kuno kuko umwene ālitendekisye ukwega undugu? Kyala āligwīle ikipata, kangī umwēne alinkupoka ikyēne, alinkwēga ikyēne, alinkubūka kula.

²⁰⁵ Akabalilo kāko ubwīte bwākwānda, ukulwāna kwāke kwākwānda umwēne āli nako na bēne, ifibūmba fyāli finywāmu fīyo mpaka abēne bābagile ukubopesya ulubopesanio lwa magileta pamwanya pa fyēne. Ngimna umwēne ikwīngilāga bulebule mu fyēne? Abēne bikubopa ukufuma ku mwēne, balinkugomokela nkati. U ndugu ikubombaga, yōpe. “Lōli ugwe kwisakwēga ikipata kya ndugu.”

²⁰⁶ Alinkuti, “Ntwa, mbombe kiliku une?” Umwēne alinkwēnda ukusyūngutīla, ilisiku limo, ikwīnogonela. Umwene alimbwene u Nnyambala imile nu lūbo Lwāke lusololwīgwe. Yoshua ākwabāga u lūbo lwāke, alinkuti, “Ngimba Ugwe uli kuli uswe? Ngimba Ugwe gwe gwa ndugu gwitu?”

Umwene alinkuti, “Une ne Kapitao gwa kilundilo iki.”

“Ngimba une mbombe kiliku?”

²⁰⁷ “Kūya ukusyūngutīla ikyene, kalongo-na-itatu. Kuba i ngangabwite. Ugwe kwisakwegaga ikipata kya ndugu.”

208 Umwēne alinkugwa pāsi. Ena, nkulumba. Nongwa ya fiki? Umwēne āli Luyūngu lwa Abraham, uyu alikyūngile i Lisyu lya Kyala. Umwene aalyegile ikipata kilikyosa iki kikwisa ku mwene. Naloliloli.

Ukwene kukwisa ukuya kwilile. Une ngufimbilisigwa ukuleka.

209 Kēta, bōsa aba abapala abakalyoto, ndinalyo ilyāni līswire na bēne nsimbile pāsi apa. Loli bosa abaponjoli aba, ifindu ifi abene babombile, abene kubumalikisyo balinkufwa.

210 Loli polelo kulinkwisa u lwitiko ulwabwanaloli, u Luyungu Lwabunyafyale lwa Abraham, Yeso, ulufingo. Abraham āli na Isaki, gwabwanaloli, ukufuma pa mbili, loli u Luyungu ulwanaloliloli lukāli mu lubātiko lwa kipānganio kila. Ikyēne kyāli mu lufingo lwa Lisyu lya Kyala, ukuti Umwēne isakumpela umwēne ukuya tāta gwa fikolo, komma ukwisila mwa Isaka, loli ukwisila mu Luyungu Lwabunyafyale, Yeso. Ulo lwali Luyungu Lwabunyafyale, ulu, naloliloli, Uluyungu lwa Abrahamu, Yeso, akali n'Juda mma, yope Umwene akāli Gwapanja. Umwene āli Kyala. Muketile? I. . .

211 Umwe ba Katolika apa, sayaga indumbula syinu. Lōli akabalilo kāko ugwe kummwīpūta Maria ukuya kyala-gwakikīkūlu, ngimba kitamisye fiki na ugwe, mulimosa? Maria akāli nakimo lōli u nkikūlu. Kyala āsalile umwēne. Umwēne āli mfugatili. Ikyo kyo kyōsa. U mfugatili, ikyo kyo iki u nkikūlu ali, lōli umwēne ikwilingānia ni mbeyu ya nnyāmbāla.

212 Loli, ikyene kyo kilundilo ikifuluganikane, loli une ngufimbilisigwa ukuyoba iki ukuti umwe mwisakupilikisya iki une nguyoba. Lilino, umwe pilikisya ku gwāko—gwāko u ngānga, kangī une ne nkundwe gwīnu. Naloliloli, umwe mubagile.

213 Maria akāli nu bulenge nabumo mwa Kristi. Bukālipo nu bwīpilike ubwakugonana nabumo akabalilo kāko Mbepo Mwīkēmo ālinkupilile umwēne, na panandi. Lōli Kyala Mwenemaka, u Mpeli, āpelile u mbakasya ya Lilopa kangī u bulēnge. Hum! Linga kyāli bulēnge ukufuma kwa Maria, polelo a bafwe batikusyūka mma.

Lwimiko! Ikyo itolo kisile ukuya kipya. Une itolo nkikolīle kila.

214 Polelo linga ugwe kuyoba bukayapo ubukindane nabumo, ifi uswe tukubomba, polelo nongwanki Kyala atubulile uswe ukuti tutumule ukufuma ku findu ifyabusobi? Nongwa ya fiki Kyala āsyūsīsyē u mbili gwa Yeso, linga ikyēne kikāli lula? Popāpo, umwe muketile, pakābagile ukuyapo u nkikūlu alūngisīgwe mu kyēne. Linga bwalipo, polelo umbilī Gwake gwali ukufuma kwa mama Gwake, Mariya, lōli umwēne āli nu buhuni bwākugonana ukwisila mu kukupililigwa na i mbepo iyi yālimpelile umwēne uku—ukusōsya u luyūngu, kangī ikyēne kyo kisobi. U Mbepo

Mwīkèmo, ukwisila mu kifuba ikipelelesye, haleluya, pala Umwēne āpelile fyosa-fibili u luyūngu lwa nnyāmbala kangi unkīkùlu.

²¹⁵ Ngimba Yeso alinkolile umwene “mama”? Kyaga icyene mu Lisimbo. Umwene alinkunkolela umwene “nkikulu.” Aleluya! Nkikulu! (Ikyo kyo kipūpwe. Iyo yo nongwa icyene kikubomba icyene mu njila icyene kikubombela.) “Nkikulu, keta umwanundumyana gwako.” Amamailosi elifu-elifu kifukipo ku mwene ukukinda mumo Umwene ayilile.

²¹⁶ Umwēne āli Kyala. Umwēne akāli nJuda pamo Gwāpanja. Umwēne āli Kyala, fyosa-fibili nyōfu nu mbili, Kyala ikwitūgāsya mwa Mwēne. Kyala ikwitugasya mu luyūngu lwa nkikulu? Alinkutoligwa ukubomba icyene. Lula uluyūngu lwa nkīkùlu lwāfimbilisigwāga ukuya nakyo i kindukimo ukubōmba nu nyōfu gwītu. Lōli icyēne kyāli Lilopa ukōngania nu luyūngu, iki Kyala ākupilile.

²¹⁷ Umwēne ābagile ukukibīka icyēne pa kikongoti linga Umwēne ālōndāga. Ena, nkulumba. Umwēne ābagile ukukibīka icyēne kulikōsa Umwēne ālōndāga.

²¹⁸ Lōli Umwēne ākitwēle icyēne panongwa yakuti unkīkùlu ukuya mu kugwa. Pala ukwīsa pānja u Mwanundumiana umpelelesye ugwa Kyala gwābūmi, apeligwe, apāpigwe mumfūnde, fyōsa-fibili mbili kangi umōyo.

²¹⁹ Nongwa ya fiki Davidi āyobile, “Une ndisakumbona u Mwikemo Gwangu... ukummwītikisya u Mwikemo Gwangu Yumo ukuketa ububole, u Mwikemo Gwangu Yumo ukuketa ububole. Kangi ndisakuguleka u moyo Gwake mu gehena”? Davidi āyobile ikyo. Muketile? Fyōsa-fibili moyo, mbili, kangi mbepo, gwapeligwa na Kyala, mwa Umwene.

²²⁰ Unkikulu akāli māma, umwene āli nkikulu. Une ngwitika umwene āli nkikulu nnunu, nkikulu mwikemo, naloliloli. Umwēne akālimo siku mfugatili, Kyala ākābagilēmo siku ukusala nayumo umfugatili umbwāpuligwe. Ntwa ikwītikisya, une ngulūmbililāga pa ikyo ikilo iki. Lōli-lōli alinkuti, “U gwaiyolo umfītano umfugatili ukutwāla Gwāke—ukutwāla u Mwanundumiana Gwāke ku kīsu? Umwēne āsalile u mfūnde, akāmēnye unnyāmbāla nayumo.” Kangi mma umwēne āli nukusōsya kwa luyungu, pamo kalikōsa akāngi, akabalilo kāko Mbepo Mwikēmo ālinkupilile umwēne, panongwa yakuti, Kyala, mu Yāke imbelelesye, injila insitampaka, āpelile mwa umwēne, umoyo, unbili, kangi u Mbepo gwa Yeso Kristi. Uko ko kutalusya. Umwene āli Mwanundumiana umpāpigwe-mwamfunde gwa Kyala.

²²¹ Ngimba kila kyābombīle fiki? Ikyene kyābongotwīle ikipata kya ndugu. Aleluya! Whuu! Iki kwīsa ukuya kinunu, kwa une. Kēta. Nongwa ya fiki? Umwēne ātumwīle ikipata kya ndugu palapala pala, ukuti unnyāmbāla aligwēsa uyu

apápígwe nkísu iki ukwisila mu kinyonywo kya kugonana, kila kikābagile ukubūka ku Mwānya panongwa yakuti ukugonana kyo iki kyālyāndile icyēne mbwāndilo, mu ngunda gwa Edeni, nongwa ya fiki abēne bālikupilīle bēne. Akabalilo kako Umwene abombege ikyo, Umwene alinkubongotola ikindu fibili mulamula pala, nukupoka ikipata kya ndugu. Ukwisila mu fiki? Ukwegu u Luyungu Lwabunyafyale lwa Abraham, ku kabalilo ka kwanda fiyo, kangu ukutika icyene pási. Uluyungu Ulwabunyafyale ulwa lwitiko nu lufingo, komma ikifuba kya Mariya, loli gwa Kyala, alinkutumula ifipata. Uko ko, unko uswe umūndu akīnde ukukilania i kipata. Lwimiko kwa Kyala!

222 Ngimba Umwene aabombile fiki? Polelo egile ifipata fya ndugu. Umwene alinkwegu ikipata kya bubine. Ububine bukābagile ukuyapo mu Kuyapo Kwāke. Umma, nkulumba. Nakimo kyābagile kilikyosa ikingi ukuyako mu Kuyapo Kwake. Ukwēndelo lwa nīfwa lukābagile ukwīma mu Kuyapo Kwāke. Umma. Ngimba Umwene ābombile fiki?

223 Yoshua āfwīle. Mōse āfwīle. Bōsa abāngi ba bēne bāfwīle, lōli komma u Luyūngu Lwabunyafyale ulu. Ubufwe bukābagile ukwīma kūko u Būmi bwāli.

224 Unkikulu yula ukufuma ku Náini, ikwisa panja nu ndumiana gwake. Alinkwima kangu alinkuti, “Fyuka mmwanya, mwanundumiana.”

225 Undindwana yula uyu āfwīle, mwanundindwāna gwa Yairo, Umwēne āyobīle ilisyu kunyuma kula nkīsu ikisitakumanyígwa panja pala, nukuti, “Mwanundindwāna, syūka.”

226 Lazaro, afwīle amasiku mana kangu umbili gwake gukubola, kangu umoyo gwake gwasokilemo ukufuma ku kyene, ku masiku mana. Umwene alinkuti, “Lazaro, sōka panja.” Lwimiko!

227 Pala Umwēne ali. Ngimba Umwēne ābōmbile fiki? Umwēne ālepwiile ififūngilo na filifyōsa. Haleluya!

228 Akabalilo kāko Umwēne āfīmbilisigwāga ukufwa polelo, Umwēne akābagile ukunkola ubūmi bula. Umwēne angali akafwamo siku, lōli Umwēne āfīmbilisigwāga ukupa u būmi bula. Kangu akabalilo kako Umwene ikupa u bumi bula, Umwene āfwīle u bufwe. Kangu umoyo Gwake umpala, bo i Libangeli likuti, asulwike ku gehena, ukwegu ubuyo bwangu nu buyo bwako. Uluyungu Ulwabunyafyale lwa Abrahamu! Iki fiki? Umwene aali Luyungu Lwabunyafyale. O, lwimiko!

229 Lilino uswe twe Luyungu Lwabunyafyale, iki, ikyo kikusyala ni Lisyu, itolo katikati mumo Umwene āli. “Ku bwandilo lyalipo i Lisyu, kangu i Lisyu lyāli na Kyala; kangu i Lisyu, lipēlīgwe ukuya mbili, nukwītūgāsya na uswe.” Ngimba umwe mutikukēta kūko u Luyūngu Lwabunyafyāle lukulāmbalala? U Luyūngu Lwabunyafyāle lula lukwītūgāsya ni Lisyu.

²³⁰ Umwe mwe bōnywa mwe mwiganile ukulekako na mōhèsi, ni fyalilino fyāke fya kīsu. (Une ndikuyoba kwa umwe apa.) Panja pala, umwe balumbilili mwe mumenye ukuti umwe mukulumbilila amasiku ga fiswigisyo gakindile, ugwe kulumbilila kikayako ikindu bo lōsyo lwa Mbepo Mwikemo, isoni pa ugwe, nukwikōléla gwīmwéne Luyungu lwa Abraham.

²³¹ Uluyungu Ulwabunyafyale lukusyala ni Lisyu. Uluyungu Ulwabunyafyale, lukapapígwa nu mundu, nakimo ikyakubomba nu nnyāmbāla pamo nkikulu. Unkikulu yo kipanga; nakimo ikyakubomba ni kipanga. Maria akali nakyō nakimo ikyakubomba ni Mbeyu. Komma kangī i kipānga, kikōleligwe-lūko kipānganio, kili nakyō nakimo ikyakubōmba ni Mbeyu. Ikyene kipapigwe mwa fiki? Komma ikya kipanganio, komma Methodisti, Baptisti, Presbeteri, Katolika, Luteri, na fyosa.

²³² Lōli, apāpígwe mwa Luyungu Lwabunyafyale lwa lufingo lwa Kyala, uyo yo yūyo uyu ikwēga ikipata kya ndugu. Ikyene kitalile kyegigwe ku mwene. “Kabuno linga ugwe kwitugasya mwa Une, kangī i Lisyu Lyangu mwa ugwe, suma aka ugwe gwiganile, ikyene kisakubombeligwaga kwa ugwe.” Mwaketa lelo umwe. Ulwene lo lufingo. Ulwene lutalile lubombigwe.

²³³ Umoyo Gwake umpala gulinkusulukila ku gehena, kuko une nāfimbilisigwāga ukubuka. Loli pisiku lyabutatu lila . . . Samsoni ikwega ikipata kya kaya pa nyuma yake, kyaali nakyō nakimo ikyakubombapo. Umwēne ālyēgile ifipata fya gehena, ifipata fya lipūmba, kangī kilikyōsa ikingi. Umwene akaakipimbaga ikyene pa kyamba, loli Umwene alinkubongotola ikyene. Aleluya! Umwene apokile ikipata kya ndugu.

²³⁴ Ubusyūngutilo ubu bwālisusigwe na maka ga mōhèsi, mmwanya, mpaka a Bāndūmi pamo nakimo kyābagile ukusulukā pāsi. Pala pakābagile ukuyapo nu kwīmiligwa nakumo, panongwa yakuti ililopa lya mbene likābagile ukusōsyamo ubutulwanongwa. Lōli i Lyāke lyene i Lilopa lyālyēgile ukusōsyāpo ubutulwanongwa.

²³⁵ Kangi Umwēne āfyūkile pa Mwanya, alinkulongosya unkamatigwe ukukamatigwa. Umwēne ikupa ifikūngilwa ku bāndu. Lilino, aligwēsa gwa Luyūngu lwa Abraham uyu ikwītikīsyā ukuhōmba untengo, ukwisa pāsi nukupinduka ukufuma ku mbībi syābo, ukōsigwa mu Ngamu ya Yeso Kristi ku busyūle bwa butulwanongwa bwāko, ukwisusigwa-kangi na Mbepo Mwikēmo, nu kwīma u lugelo.

²³⁶ Kangi akabalilo kako abene bikufika ikisu ukufuma mwa umwe, ifindu ifi fikindile, kilikyosa iki kisobi, kilikyōsa iki kikuboneka kisobi, bo mumo abakikulu ni nywili syabo, abanyambala nu kwendendeka kwabo, kangī ifipanga ni fipānganio fyabo, kangī u—kangi u ntimi uyu isakupakisyaga ku ba diakoni bāke, kangī—kangi u luko losa ulwa findu. Kimo

ikyankīsu ikipāmbō kya kindukimo ikīngi kyāfikile nkati mula nu kumpele u ntimi umpelakisa, ukunkaya umwēne panja pa kipānga.

²³⁷ Bukaga, ntimi. Kyala akusaye ugwe. Ima palapala ni Lisyu. Ega nakimo.

²³⁸ Umwēne āfyūkile pa Mwānya. Ngimba Umwēne ābōmbīle fiki? Umwēne ātumula ikibwīna, ikipata, ukuti, ulwīpūto lwa Luyūngu ulu lwa Abraham. Fiki? Fiki? Linga uswe tukuyaga Mbili gwa Kristi, linga uswe tuli bafwe, uswe tukwibika twibene ukuya bafwe nukusyiligwa mwa Kristi, nukusyuka nu Mwene mu busyuke. Umwene yo Ntu gwa Mbili. Kuko u Ntu guli, u Mbili guli ni Kyēne. Kangi polelo, ulubunju ulu, kuko aligwesa uyu abombile ikyo, “itugēsye nu Mwene mmabuyo gakumwanya,” nu Luyungu Lwabunyafyale. Ntufye Kyala.

²³⁹ Nafimo ifipata. Ugwe ukabagila ukwiputa mpaka ubutali *ubu*, nukuyoba, “O, o, *apo* po lilipo i lisyu.” Huu-uu. Abēne bikukwigala ugwe, palapala pala.

²⁴⁰ Lōli linga indumbula syītu sitikututobesya uswe; linga uswe tumenye ukuti uswe tukwēnda mu ngomēlésyo sya Kyala; uswe tukukēta imyūmi gyītu gīsukīgwe; uswe tukukēta ikyene; i Lisyu lililyosa ili Kyala alagilege, uswe tukukyunga Ilyene; polelo ifipata fya ndugu aligwesa fipokile. “Polelo suma iki ugwe gwiganile, ikyene kisakubombeligwaga kwa ugwe.” “Umwene isakupokaga ikipata kya ndugu gwake.” O, nkundwe, kyo kipanganki iki kikuyaga!

²⁴¹ Akabalilo kāko une ngugomokela kāngi ku Phoenix, linga u Ntwa ikwitikisya une, Une ngusūbila, akabalilo kāko une ngwīngila mu kitēmbē iki, ukuti ifikota ifi fisakugolosigwa, kangi ikikota kilikyōsa mu bugute bwa Nongwainunu inyīsusye nkāya aka kisakugolosigwa na bīkēmo ba Kyala gwābūmi: boneka ngati Nkristi; yoba ngati Nkristi; bōmba ngati Bakristi; nu Mbepo gwa Kyala ikwendendeka pakati pa bene, kūko, linga yumoywene abagīle ukutulwa inongwa, u Mbepo Mwikemo ukukikōléla ikyene palapala pala.

²⁴² Ikyene kisakubombaga ikyene. Umwe mukibwene ikyene mu lukindi lwa lwiputo, mumo pamwanya apa pa kigemo. Kūko, yoba, “Ugwe gomokela kunyuma kula kangi tendeka ikyo ukuya kitalusye nu ndume gwāko. Būka, kambule unkasigo ukuti ugwe gwāli pānja, ikilo bo kikāli ikyammayolo, nu nkīkūlu yula, itūgēsye mu buyo *bwakuti-na-bwakuti*.” Linga Ikyēne kisakubōmba ikyēne apa, ukwisila mu kwēnda mu Lisyu, ukupilikisya ku kala akakimyemye akanini a Kasyu, Ikyēne kisakubōmba ikyēne mwa ugwe. Ugwe gwe Luyungu lwa Abrahamu. Polelo, komma ubutulwanongwa.

²⁴³ Ndumbilili, ngimba ugwe utikulonda ukuketa ikyo nkipanga kyako? Enda nkipanga iki, kangi kēta pasi mula ukwisila *apa*, kēta fyōsa-fibili abanyāmbala na bakīkūlu, banyakyala,

babwikèmo, bitugesye pala itolo bīsusigwe na maka ga Kyala. Ubutulwanongwa bukābagile ukwingila. U nnyāmbāla ingilaga nu kwītūgasya pāsi, u Mbepo ikusumuka mmwanya nukuyoba,’ “Yohani Jones, ugwe ukufuma ku *bwakuti-na-gwakuti*, a kāya, ubuyo *bwakuti-na-bwakuti*. Umwene ali apa ukuyaga ububumbulusyo ku mbili gwake. Muketile? Umwene abombile ikindu *kyakuti* ku buyo *bwakuti*. Umwēne ābōmbīle *iki*, kangi umwēne ikwēga, abagile ukwēga *iki* ukugomokesya, ukutēndēka *iki* kiyeye kanunu, polelo Kyala isakumbulusyāga umwēne ukufuma ku kansa yula. ISI SYO IKUTI UNTWA.” Mwe, mwe!

²⁴⁴ Mbapo une i kipānga, mbapo une abanyāmbala kalongo, bīsusi-... , naloliloli mabwe-mapala ga Kyala, u Luyūngu Lwabunyafyāle, lwabīkaga abēne abanyāmbāla palikimo, kangi kētēsya iki kisakuboneka pa buyo. Mbapo une inyumba ya bandu inini bo bala, kangi une ngubanangisyaga umwe u Lumuli ulu ikisu kisakubopelaga ku kyene. Uko ko kutalusya. Ikyo kyo iki Kyala ikulonda uswe ukuya. “Ugwe uli kāya kitugesye pa kyamba.” Ugwe gwe Luyungu Lwabunyafyale lwa Abraham. “Ikyene kisakupoka ikipata kya ndugu.”

²⁴⁵ Bubine, yilipo i nongwa ya bubine. Yilipo i nongwa ya findu ifi. Kangi Kyala, u Mbepo Mwikemo, ali apa ukusetula i kindu kila nukubabula umwe nongwa ya fiki umwe mutikukaba ikyene. Ngimba kitamisye fiki na uswe? Uswe tutikulondigwa ukuswiga, “Ngimba Ikyene kisakubomba ikyene?” Ikyene kitalile ukubomba ikyene. Ngimba ugwe kubombaga fiki?

²⁴⁶ Kētēsya u nsololi yula. Umwene akāpilikīle ku mbelo ugwabubopabopa, “Lwimiko kwa Kyala! Aleluya!”

²⁴⁷ Ikyo kyo kinunu. Lilino, kumbukilaga, une ndikukemela ikyo mma. Une ngusubila aligwesa ikupilikisya ikyo. Umunduyumo alinkuti, “Nkundwe Branham batikwitika mu kuyoba, ‘Lwimiko kwa Kyala! Aleluya!’” Ena, keta kwa une apa lilino. Une ngwitika mu kuywega, ukuyoba ni ndimi, ikumoga mwa Mbepo.

²⁴⁸ Loli, nkundwe, akabalilo kako ugwe kutoligwa ukupilika kala akakimyemye akanini a Kasyu aka Lisyu, ikyo kyo kindu iki kikukutwāla ugwe. Ikyo kyo kindu.

²⁴⁹ Eliya āmēnye u luyigo lōsa ulu lwakīndililāga pānja. LōLi umwēne āli. . .Ulwēne lukālinkwābilēmo siku umwēne pānja pa ikyēne. Loli akabalilo kako umwene aapilike a Masyu manyafu amanini ga Kyala, polelo umwene alinkukwabigwa. Kangi umwene alinkukupilila ikisyo kyake, ikusooka panja. Fiki? Eliya aali Luyungu lwa Abrahamu, ukukonga Ilisyu.

²⁵⁰ “Linga ugwe kwitugasya mwa Une kangi a Masyu Gangu mwa ugwe, polelo suma aka ugwe gwiganile, ikyene kisakubombeligwaga kwa ugwe.”

Unko uswe twinamisye imitu gyitu itolo pakabalilo ku lwiputo.

²⁵¹ O, kipanga, mumo, akabalilo kako une ngufikapo ukindilila ukulumbilila bo lula, mumo une ngwipilikila! U Mbepo ikugwa pasi ukufuma kwa une, kangi une nguketa kunyuma, Une ngukēta abāndu aba naloliloli bikubūkāga pāsi mu nyāmbi syābo nukwēga ifyakulya ukufuma ku bāna bābo, ukupa ikyēne kwa une. Une nguketa abakikulu abanini muno, lumo ni nywili indumuligwe, ngimba abene bābombaga fiki? Abene babagile ukubomba kilikyosa nkisu kya une iki abene bābagile. Unnyambala ikwitugasya nu nkasi bo ulo, kangi une itolo nguketésya ntuyabo ni Lisyu lila, ngufulasya, amabyēbye gāke gasatwike pāsi, kangi lōli u nnyāmbāla yula ābagile ukubūka pānja apa nukusukulika, nu kundumila une ifyakaōngo fyāke. Uko ko kutalusya. Polelo ikyene kikumbela une ukwīpilika ni soni, ukugomokela ku mbili polelo, ugwe kwipilika, “Ngimba une nātile fiki?” Une ndikusanusya ukufulasya mma, ikyene kikaya ikyo mma.

²⁵² Lōli, o, nkundwe, kangi n’ganigwa gwangu nu nkundwe gwangu unganigwa, linga ikyo kyo Lisyu lya Kyala, kangi uyu yo Mbepo Gwake ikutendeka i Lisyu lila ukwisa ku bumi, kwa ugwe, ngimba ikyene kikuyaga fiki pa Lisiku lya Bulongi? Une ngugela ukutwalila umwe mwitendekisye ku lisiku lila. Nalāmba, nalāmba itolo ega i Lisyu Lyake. Linga une ngulumbililamo siku kalikosa aka kakaya Lisyu, ulufingo lwa Kyala, polelo ugwe uli nu bwabuke ukwisa kwa une. Loli ilyo lya Lisyu. Kangi iyene yo nongwa une mbaganile umwe.

²⁵³ Kikaya panongwa yakuti une—une ndikukulōnda une mwi bwāto. Ikyēne kyo panongwa yakuti u bwāto butisakukupimba ugwe ukukīndillila. Ugwe kubukaga ukupanganyūka, limo mwa masiku aga.

²⁵⁴ Ugwe kufimbilisigwa ukwīsa ku Bulōngi. “Ntobesigwe pa inīni yo ntobesigwe pa syōsya.” Kangi akabalilo kako ugwe umenye kalikosa kitalusye ukubomba ikyene, iliyene lya Lisyu lya Kyala nu lufingo ukubomba ikyene, polelo ugwe utikubōmba ikyēne, polelo bule isya ikyēne? Ugwe kwisakulālusigwāga ukupa inōngwa, po fiki pala? Akabalilo kako i Ndumi iyi ulubunju ulu yikukukēta ugwe kwisilia pa kyakuketelela, pa Lisiku lya Bulongi, ngimba bule isya ikyene? Inogona isya ikyene, binangu. Umwe mubagile ukufwa bo ilisiku limalike. Twesa ba uswe. Kangi ikindu kimokyene ikyanaloliloli, umwe mwisakufwa.

²⁵⁵ Une nālimile ilisiku limo ngunkētésya u māma gwāngu, une ngolile umwene pa kiboko kyāngu. Une nālinkōlile tāta gwāngu panini bo kikāli ikyo, nu kunkētésya umwēne ikubūka.

²⁵⁶ Une mbabwēne abēne bikwīsa ukusuluka ku bumalikisyo bwa nsebwe, bābo bīnogonāga abēne bāli kanunu lōsa. Kuyoba, “O, Nkundwe Branham, o, linga une mbagile ukuya nu bumi ubutalipo panāndi!” Kwilile fiyo akabalilo kala.

Kangi kumbukilaga, ubufwe butikwāndula umoyo, ubwene bukusanusya itolo ubuyo bwake bwakwitugasyāmo. Kangi linga ugwe kukēta ukuti ikindukimo nkati mwa ugwe, kikuyaga kyamahala lilino, linga ugwe kukēta i kindukimo nkati mwa ugwe kikukupela ugwe ukubombela injila iyo nukwipilika injila iyo, mumo ugwe kufimbilisigwa ukusita kwipilika, pinduka ulubunju ulu. Bule ugwe, mwinangu? Isaga. Yaga. . . Ugwe utikufimbilisigwa ukuya bo ulu. Ugwe gwe mundu umpelakisa. Itugasya ubumi bwa Luyūngu Lwabunyafyale ubwabwanaloli. Kyala ikulonda ugwe umwisyugu.

²⁵⁷ Ngimba ugwe kufyusyaga ikiboko kyako, bo untu gwako gwinamisigwe, kangi indumbula. Yoba, “Nkundwe Branham, une ngufyusya ikiboko kyangu kwa Kyala. Nubwanalolindumbula, ukufuma mu ndumbula yangu, ikyo kyo iki une ngulonda ukuya. Ikyo kyo naloliloli iki une ngulonda ukuya. Une ne—une nōnangile pānja apa na filifyōsa ifingi, lōli naloli une—une ndikulōnda ukuya bo ulu. Une ngulonda ukuya iki ugwe kuyobapo ulubunju ulu. Nyīputīla une, Nkundwe Branham. Une ngufyūsa amaboko gāngu kwa Kyala, komma kwa ugwe, Nkundwe Branham, lōli kwa Kyala. Kangi mu ndumbula yangu, Umwene amenye indumbula yangu, Une ngulonda ukuya luko lwa Nkristi ugwe kuyobapo, u Luyungu Lwabunyafyale lwa Abraham, ukwisila mwa Yeso Kristi.” Fyusya ikiboko kyako lilino nukuyoba, “Une nisa . . . nyīputilaga une, Nkundwe Branham.” Kyala akusaye ugwe. Kyala akusaye ugwe. Naloliloli Umwene ikubombaga ikylene pa ugwe.

²⁵⁸ Tata gwitu Gwakumwanya, mu Lumuli lwa Lisyu Lyako, mu maka ga busyuke Bwako! Kangi une ngusyāgānia, Ntwa, abāndu abalōndo utubalilo twīngi bayīle bafuluganikane pānja apa, ukwīsila mfyakukīndan. . . Abandu kifuki batikumanya isyakubomba; yumo ikwisa, ikuyoba ikindu kimokyene; kangi yumo ikwisa, ikuyoba ikingi.

²⁵⁹ Kangi muno mu Phoenix, akāya aka akakulumba ka—ka, ena, abayāti, kūko kilikyōsa ukufuma ukukilania i kīsu kukusemela mu kyēne, fyosa—fibili mumbili kangi mwāmbèpo. Nimile pa kyamba, ilisiku limo, kangi ukwinogona kalinga i Ngamu ya Kyala yibōmbeligwe mwaitolo mu lisiku ili pāsi apa, amabulogwe malīnga aga gikubōmbigwa, bo butulwanōngwa bulīnga ni ndope mu ngīndi, kangi mfyūmba fya filabu ni mbwēle sya filabu, na filifyosa, bingi ba abene bikwiyoba ukuya bitiki, Nkristi!

²⁶⁰ Abakikulu bikubuka pāsi pa lukindi, ni ngambo nkiboko kyabo. Ukwenda ni myenda igyabulogwe bafwele, akabalilo kako Ugwe uyobile ikylene kikununga pankyeni pa Ugwe, “Ikyene kyo mwiko,” ngati ikyāiyolo, ikibwāpufu, ikyākinyanyasi, ikyakutūndilāmo ikinūnge pabuyobumo. O Kyala, ngimba abagīle bulebutu u nkikulu uyu ikwiyobela ukuya nagwe u Mbepo Mwikemo ukubomba i kindu bo ikyo,

nukumanya ukuti mu mbulo ya Mpoki, kila kikununga bo lula, kikununga? Bulebule Umwene abagile ukuya ni kindu bo ikyo mu Kitangalala Kyake? Tāta, linga abēne itolo bāménye, abēne bo mamailosi maelifu-elifu ukufuma ku Kyēne.

²⁶¹ Une ngusuma, Kyala, yaga ni kisa. Nayumo ikulonda ukubuka ku mabuyo ga aba batagigwe. Nayumo ikulonda ukubuka pasi kula, Tata. Kiyege kutali ikylene ukufuma mwa aligwesa gwa uswe tukubukaga. Loli pasi mu ndumbula inunu mu mundu yula, unnyambala yula, unkikulu yula, u nnyāmbala pamo unkikūlu uyu yo mpi kangi nnuu kangi gwākisa, kangi yo itolo asyōbìgwe nu mōhēsi. U mōhēsi abōmbile ikyo.

²⁶² Sētāno, une ngulwana na ugwe, panongwa yakuti ugwe gwe ndugu gwa Ntwa gwāngu. Ugwe gwe ndugu gwa Lisyu Lyāke. Kangi une ngwimikana na ugwe, ukwisila mwa Yeso Kristi, u Mwanundumiana gwa Kyala, ukuya gwakufwa, mmenye ukuti une ngaya na maka nkati mwa nīmwenē. Une ngaya na maka ukukwimika ugwe. Une ngaya na maka ukutēdēka kulikōsa kwa bakīkūlu aba bīsūke, aligwesa gwa banyāmbāla aba, aba bikupilikīsyā i tepi iyi, pamo—pamo kulikōsa. Une ngaya ni njila nayimo iya kutēdēka abēne ukusoka mōsa. Une ne nsitamaka. Loli une ndinabo ubulagili bwa Lisyu Iya Kyala, ukuya gwambombo, ukulilumbilila Ilyene, kangi pa mbombo ku bulagili bula. Pamo mma u gwāpolisi uyu panja apa ali na maka ukwīmika iligāli, lōli umwēne ali na ubulagili ukubōmba ikyēne.

²⁶³ Kangi, Setano, ugwe ubagile itolo ukubūka ikuywēgesya ifyakwīmikila fyāko, panongwa yakuti une ngwīmikana na ugwe, ukwisila mwa Yeso Kristi, ukuti ugwe bābūla abāndu aba bābūke, ukukīndamo mōsa nkīsu kya pāsī, kulikōsa i Ndumi iyi yibagile ukubūka. Bābūla abēne bayege bābuke. Une ngubakaba abene, ukuti abene baguligwe. Abene bakaya bene mma. Abēne balyūlīle nu ntengo, abēne bo Luyungu Lwabunyafyale Iwa Abraham, u Ntwa Yeso.

²⁶⁴ Ugwe gwakinyanyasi, mbwāpufu, unnūnge unsyōbi, usyōba gwa abāndu, kubalōngolela abēne nubusitakukēta mfibwīna fya gehēna, bābūla abēne bayege bābuke. Une ngukukemela ugwe, ukwisila mwa Kyala gwabumi, ukwisila mu Likemo Iya Mwanundumiana Gwake, Yeso, ukuti ugwe kubasanusya abene bābūke, ukuti imyoyo gyabo gilīsusigwāga nu lusayo Lwake kangī nu Kuyapo Kwake, ukuti abēne babagile ukupoka ikipata kya ndugu aligwēsā. [Ubuyo busitakandu pa tepi—Nsimbi.] Ugwe ubēgile abēne ukugūlīla kuli *iki*, *kila*, pamo i *kīngi*, pamo ukupalamasya ukwīkēmo, pamo ikīndukimo ikīngi, lōli une nguyoba ugwe kuyaga pakutāga ukukolelela kwāko.

²⁶⁵ Ngimba bubagile bulebule ububine ukwīma mu bupakigwe bo ubu? Pene papo abene bikupīka ukukēta kula ku lufingo bo yu tāta Abraham ābombīle, akabalilo kāko umwēne ābagile

ukumbona Umwēne mu kifwāni abamia ba fyīnja kubutali, ikwīsa.

²⁶⁶ Bābula abene babuke. Mu Ngamu ya Yeso Kristi, baleke abene babukege.

²⁶⁷ Galiyaga amaka ga Kyala, ukupilikisya kwa Lisyu, akabalilo kako abene basukege ulubunju ulu ni Kyene, kuliyaga ukupilikisya kwa kukyūnga i Lisyu lya Kyala ni fīngo Syāke syanalōli, kulikolelela iki kikabagila ukubongotoligwa na Sētāno. Aligwēsa pamwene alikolaga ubukolelelo bwa lufīngo lula, ikuyoba, “Iki kyo Kyene. Une ngolelile ku Kyene. Kyala ātēndīke ulufingo. Une ne luyungu lwa Abraham. Ngimba une mbagile bulebule ukwilamwa ulufingo Lwāke?” Kangi segelelaga itolo nkyeni, ukwisila mwa Yeso Kristi, u Ntwa gwitu. Amenī.

Une nunganile Umwene . . .

²⁶⁸ Ikyēne kifumile ukutumula ulubunju ulu, binangu. Unko uswe twīpūte lilino nubunoge.

Panongwa yakuti Umwene alinganile une
Kangi ālyūlīle ubupoki bwāngu
Pa mpiki gwa Kalvari.

²⁶⁹ Ngimba ikyene kibagile ukubombigwa, komma mahelu, naloliloli umma . . . Iki kyo—kyo kyabwīputi. Unko uswe tufyūsye amaboko gītu ku Mwēne uswe tunganile. Kangi yoba:

Une nunganile Umwene, une mbaganile
Umwene
Panongwa yakuti Umwene alinganile une
Kangi ālyūlīle ubupoki bwāngu
Pa mpiki gwa Kalvari.

²⁷⁰ Lilino, ku nkikulu aligwesa pamo undindwana muno, iki kyo kiboko kyangu. Kyala akuganile ugwe. Ku nnyambala aligwesa pamo ndumiana muno, Kyala akuganile ugwe. Une mbaganile umwe. Lilino, une ngabagila ukufikila nukummwaga aligwesa gwa maboko ginu, loli Kyala ikuyoba kwa umwe iki une ngusanusya. Akabalilo kako uswe tukwimba ulo kangi, itolo syumbutuka ukusyungutila nukuponania amaboko nu mundu yumo. “Iki abāndu bōsa bisakumanya ukuti umwe mwe bafūndigwa Bāngu, akabalilo kāko umwe muli nu lugano, yumo ku nnine.”

Une . . .
. . . ālyūlīle ubupoki bwāngu
Pa mpiki gwa Kalvari.

Une nunganile Umwene, une mbaganile
Umwene
Panongwa yakuti Umwene alinganile une
Kangi ālyūlīle ubupoki bwāngu
Pa mpiki gwa Kalvari.

²⁷¹ Ngimba ugwe utikungana Umwene? Ukwipilika ukunyafu kwa Mbepo Mwikemo! I Lisyu lyo njila ya kusukila, itolo likugūsa ugwe mōsa, likupela ugwe kipeligwa ikipya, likwēgamo fyōsa. I Lisyu lyūgipo ukukinda u lūbo ulwalugēnge-kosakosa, ukubūta, ukutumulako ifindu fyōsa ifya nkīsu. Muketile? Polelo uswe tukwīpilika tusukīgwe, tugūsigwe mōsa, tukwītikisya kangi tukummwītika Umwēne. Mo mūmo uswe tubagile ukwīmbila:

 Une nunganile Umwene, une mbaganile
 Umwene
 Panongwa yakuti Umwene alinganile une
 Kangi ālyūlīle ubupoki bwāngu
 Pa Kalivari.

²⁷² Kila kimogi? Une nkiganile itolo ikyēne ni ndumbula yāngu yōsa. Muketile? Unko uswe tugele ikyene kangi, aligwesa lilino, naloliloli, ku mwanya kwa masyu ginu lilino.

 Une nunganile Umwene, une mbaganile
 Umwene
 Panongwa yakuti Umwene alinganile une
 Kangi ālyūlīle ubupoki bwāngu
 Pa Kalivari kya . . .



KANGI U LUYÜNGU LWÄKO LWISAKUPÒKA
IKIPATA KYA NDUGU GWÄKE KYA62-0121M
(And Thy Seed Shall Possess The Gate Of His Enemy)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu ndubunju, Januari 21, 1962, ku Faith Tabernacle mu Phoenix, Arizona, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org